

MAATLA A MODIMO

A GO FETOLELA

 [Ngwanešu Branham o tsebišwa ke Ngwanešu Carl Williams—Mor.] Ke a go leboga, ngwanešu. [“Nnete go ba ka kgonthe monyetla go ba le Ngwanešu Branham go tla kgafetša bjalo Phoenix. Ke a nagana o tla Phoenix go feta e ka ba kae. Gomme re nyaka a fele a etla, feela ge feela ke le tikologong fa, go le bjalo. Modimo a go šegofatše, Ngwanešu Branham.”] Ke a leboga, ke a go leboga, Ngwanešu Williams.

Moso wo mobotse, bagwera. Ke... Ye ke ya lapa la ga Shakarian, Ngwanešu Williams le Kgaetšedi Williams le ba bantši ba bona fa ba tsebago ka ga yona. Ke bone yela ka go pono, e ka ba mengwaga ye mebedi goba ye meraro pele a ka Iwala, gomme go diragetše.

² Gomme ngwaga wa go feta ge re be re le fa, ke a dumela e bile ka Janaware, ka go khonferense, e bile nako yeo moprista yola (leina la gagwe ke mang? Ke lebetše leina la gagwe bjale) o be a le fa. [Yo mongwe o re, “Stanley.”—Mor.] Stanley, Pišopo Stanley, go tswa go kereke ya Katoliki. Le a elelwa ge a ntlišeditše Beibele, le a tseba, gomme o boletše go nna.

Go bile go profeta go gontši, “Morwedi wa ka, o fodile.”

³ Gomme o tsebile gore pono e boletše gore a ka se fole. “O tla hwa magareng ga iri ya bobedi le ya boraro mo mosong.” Le elelwa yeo? [Yo mongwe o re, “Ee.”—Mor.] Kafao, iri ya bobedi goba ya boraro.

⁴ Gomme ga se ke kgone go botša Demos. Gomme efela ke boditše mme wa gagwe e sego wa madi, thwi godimo ka kamoreng, thwi go kgabaganya lefelo fa. Ke rile, “Ga a ye go fola.”

Mdi. Shakarian o rile, “Gabotse, yo mongwe le yo mongwe o a profeta.”

⁵ Ke rile, “Nnete, nka no ba phošo, nnamong, eupša ke e boletše. Ga a ye go fola.”

⁶ Ke boditše ba bantši ba bona, e ka ba mengwaga ye meraro ya go feta, “Ke mmone a kitimela bophelo bja gagwe, gomme o ile ka malaong. Gomme o phagamišitše diatla tša gagwe le go nkgoletše, ka tsela yeo. Gomme ebile ga—ga se ke kgone go mo fihlelela. Gomme morago ke mmone a ehwa. Gomme ke lebeletše, gomme go bile le se sengwe, go be go ne sešupanako, gomme se rile ke se sengwe magareng ga iri ya bobedi le ya boraro.”

⁷ Gomme kafao pišopo o rile, "Gabotse, ke tla no šetša le go bona ka fao seo se tla diregago." Kafao, se ile sa diragala.

⁸ Re maswabi ka kgonthe. Ke ikwela kereke e lahlegetšwe ke motho yo mogolo, ka Kgaetšedi Florence Shakarian. Eupša, o be a le seopedi se segolo, o be a le mosadi wa go tlala ka Moya.

⁹ Ke be ke ne mmagwe; mmagwe o be a le yo mongwe wa dikgokagano tša ka ka Lebopong la Bodikela, ge mmagwe a fodišwa. Ge dingaka... O be a le ka go kidibalo, le go ruruga gohle. Gomme kafao nga—nga ngaka yeo e bego e le fale e mpoditše, e rile, "Bjale homola ka kgonthe ge o rapela. Se dire lešata kudu. Mosadi o a hwa."

Ke rile, "Ee, mohlomphegi."

¹⁰ Gomme o rile, gona, nno tšwelapele o mpotša. Gomme, gabotse, ga se ke ebole ke be le sebaka go bula molomo wa ka, go swana.

¹¹ Kafao, e bile Ngwanešu Demos a mpoditšego go ya pele le go ya godimo le go yo mmona.

¹² Kafao, ke ile lebatong la ka godimo. Gomme Florence o be a kwatame mo lebatong, nako yeo mosetsana yo mobotse yo monnyane, le basadi ba bangwe ba bantsi. Gomme ke ile godimo le go mo rapelela, le go e bolela. Gomme o be a idibetše. Gomme ke mmoditše o tla tsoga gape. Gomme o dirile. Mengwaga e mmalwa moragorago, o hwile. Gomme bjale Modimo o araba dithapelo tša rena.

¹³ Gomme re tseba seo, re dumela gore bohole re tlide fa ka thato ya Modimo, gomme re tloga ka tsela ya go swana. Yo motee ka yo motee, yo mongwe le yo mongwe re tla tshela lemati lela. Gomme ke ka lebaka leo re lego fa mosong wo, re kgobokane mmogo ka go Kopanelo ye ya Banna ba Kgwebo ba Bakriste, ke go bolela ka dilo tše, le go itokišetša tšona, gobane re a tseba ka kgonthe di a tla.

¹⁴ Bjale Kgaetšedi Florence ke mosadi yo moswa, bogolo bja mengwaga ye masomenne pedi, Ngwanešu Williams o sa tšo mpotša, gomme yo moswa kudu. Eupša pele ga bona, o tsebile gore o bile le bolwetši bjo, gabaneng, ke bone pono ya gagwe le go mpotša ditlamorago tša gagwe. Gona, e tla ba. Modimo o tseba tšohle ka ga yona, le yena go boneng Jesu ka kamoreng pele a sepela. Re no se nyake go mo rapelela, ka gobane re dirile seo gantsi kudu. Re no nyaka go leboga Modimo bakeng sa bophelo bjoo bo bilego magareng ga rena, bjoo bo re šušumeditšego bohole, bjalo ka Kgaetšedi Shakarian.

¹⁵ Gomme re nyaka go rapelela Ngwanešu Demos, Kgaetšedi Rose. Gomme elelwang, ba bile le nako ye thata gampe e kgotla ka bophelong bja bona, mo go a mafelelo... ke tatagwe, le kgaetšedi wa gagwe bjalo ka go ya gagwe... mengwaga ya mafelelo. [Yo mongwe o bolela le Ngwanešu Branham—Mor.]

Eupša, le, ya, go se fete, bonnyane, dikgwedi tše lesome; le kgaetšedi, Kgaetšedi Edna, gape.

¹⁶ Kafao, ke tseba ka fao ke kwelago Ngwanešu Demos bohloko. Ke bile le tate, ngwanešu, mosadi, le lesea, go sepela mo matšatšing a se makae go arogana, kafao ke—ke tseba ka fao a ikwelago mosong wo. O tseba feela ge o ema ka go tšona dieta, ke gona ge o tseba ka fao o kwelago bohloko. Gomme . . .

¹⁷ [Tshepedišo ya segodišamodumo e a tswinya—Mor.] Ke dirile seo nnamong. Ntshwareleng. Ke bethile konopi ye nnyane fa felotsoko, ka seatla sa ka. Kafao ke—ke maswabi ke e dirile go kwagala kudu, gomme ke sa re go re.

¹⁸ Kafao a re emeng bjale ge re . . . ge le kgona, ge e le . . . A re inamišeng hlogo ya rena.

¹⁹ Tate wa Legodimong, re kgobokane fa mosong wo go rapela Wena, le go Go fa ditebogo le tumišo, bakeng sa go romeleng Jesu Molopolodi wa rena, gore re be le kholofelo ka morago ga ge bophelo bjo bo fedile, go boneng go re ga go ne nnete kudu gore re phela fa nako ye yohle. Gomme, Tate, go bona maemo a go senyega mebele ye e ka tsenago ka go ona, re thakgetše ga se ra swanela go dula fa nako yohle. Wena o dirile tsela ya go phonyokga, tlase go kgabola moedi wa lehu.

²⁰ Gomme, Tate, leboga Wena mosong wo, bakeng sa bophelo bja yo mongwe yoo a emego le rena, kgale go se fete ngwaga, go opeleleng ditumišo tša Gago; Kgaetšedi Florence Shakarian, bjalo ka ge re mo tsebile. Gomme Wena o re boditše botelele pele, ebile mengwaga, gore se se be se eya go direga, gore e ka se be kgagamatšo kudu go rena. Gomme re a tseba se O se bolelago ke therešo. Gomme gona Lentšu la Gago le re, “Motho yo a tswetšwego ke mosadi, o tletše ka matšatši a se makae le go tlala ka mathata.” Re a tseba seo ke therešo, le sona, Morena. Re a tseba bohole re swanetše go tla tlase go kgabola moedi wola. Kafao re leboga Wena bakeng sa bophelo bja gagwe bjo bo bilego fa mo lefaseng. Gomme go dumeleng ka tumelo, gore bjale, mosong wo, o fetile go tloga ntlong ye ya dilomi ya go šokiša, ka go mmele wa letago wo o ka se tsogego wa babja. Gomme talente ya gagwe ya go opela, le lentšu le a bilego le lona, le moyo wa gagwe go huma kudu ka mogau le Kriste! Gore a ka bowa mosong wo, a ka se e dire le ka mokgwa mang; o tla swanela go ya go kgabola se sohle gape. Ye, bjale go fedile, o ne mmagwe le papagwe. Ba bileditše lesea la bona gae. Kafao, re—re leboga Wena.

²¹ Gape re nyaka go rapelela khomotšo, bakeng sa Ngwanešu Shakarian, ngwanešu morategi wa go ratega, go tsebeng bo—bo bophelo bjoo a bo phedilego, le ditlhomaro a di kgabolago ka go matšatši a a mafelelo, gomme bjalo ke yena; go mmona a tšofala, le moriri wa gagwe o ngwegela kgole, le magetla a gagwe a kobama, gomme efela go leka go dula mo tšhemong sebakeng

sa Modimo. Modimo, mo fe maatla lehono. Re a rapela, Modimo, gore O tla e fa. Go bohle bao ba lahlegetšwego ka go tlogeng ga gagwe, re rapelela yo mongwe le yo mongwe.

²² Gomme a nke re, Morena, ge re nagana ka se, go elelwa gore le rena re swanetše go sepela letšatši tsoko. Ge re sa dutše mmogo fa ka Bogeneng bja Morena Jesu, re tla kgopela gore O tla re tlišetša se bonanana go megopolو ya rena. Gomme a nke re hlodišiše, bjalo ka ge go bile, goba go senka maphelo a rena beng, gore re be ka tlase ga Madi le ka go Tumelo. E fe, Morena.

²³ Bjale ge ke leka ka tlase ga maemo a go tliša molaetsa wo monnyane go batho, lehono, ke a rapela gore O tla nthuša, Morena. Ntiiše, ka gore ke—ke—ke a e hloka, Morena. Gomme ke rapela gore O tla e fa. Gomme a nke se sengwe se bolelwe seo se tla no go hlompha Wena. Gomme ge go ka ba le yo itšego ka tlase ga modumo wa lentšu la rena mosong wo, yo a segó komana go kopana le iri yeo e letšego pele ga bona, a nke ye e be nako yeo ge ba tla ineela go Yena Yo a rilego, “Ke nna Tsela, Bophelo, Therešo,” ebile wa rena Morena Jesu Kriste. Ka gore re e kgopela ka Leina la Gagwe. Amene. (Le ka dula.)

²⁴ [Yo mongwe mo sefaleng o bolela le Ngwanešu Branham—Mor.] Ngwanešu fa o nyaka go tseba ge eba yo mongwe le yo mongwe o kgona go kwa gabotse. O swere dimaeke tše pedi di tshumile. A yeo e lokile? Le kgona go kwa? Phagamišang diatla tsa lena ge le kgona. Le kgona go kwa? Phagamišang diatla tsa lena. Go lokile.

²⁵ Ke maswabi gore ga re ne sekgoba sa madulo go yo mongwe le yo mongwe mosong wo. Gomme re tshepa gore nka se dule godimo fa botelele kudu, feela go lekanelo mohlomongwe go re tliša mohlomongwe go baleng ga Lentšu; gore Morena Modimo o tla hlompha Lentšu la Gagwe leo le badilwego, le go re fa mogau wa Gagwe, gore re ke re Mo hlankele ka wona.

²⁶ Bjale ke boditšwe ke Billy Paul, mosong wo, gore go ka kgonega gore re bolele Lamorena le le tlago ka Grantway Assembly of God, ka Tucson. Ge go ne yo mongwe fa go tšwa Tucson, nka no se fihle go e bona beke ye. Ke tla be ke le ka Grantway Assembly of God, Lamorena le le tlago.

²⁷ Kafao bjale re sa tšo bowa go tšwa godimo ka Bohlabela, gomme ke mokgwa wa go ikitimiša nnamong tlase gannyane, ka go ja kudu, ka botho kudu bja batho tlase ka dithabeng. Gomme—gomme ke babjitsé, kafao ga se nke ka ikwela gabotse beke ye. Kafao, le nthapeleleng. Gomme . . .

²⁸ [Yo mongwe o re, “Ophosamo ye ntši kudu.”—Mor.] O reng? [“Ophosamo ye ntši kudu.”] Ngwanešu Carl Williams ka tshegišo ya gagwe, gomme ke nagana re a e hloka bjale thwi, o rile, “Ophosamo ye ntši kudu.” Ga ke tsebe ka ga seo, Ngwanešu Carl, eupša bontši kudu bja dihlorana. [Ngwanešu Branham o a sega.]

²⁹ Kafao o nyaka go rapelela yo mongwe mosong wo, gobaneng, ke—ke thabela ka kgonthe ge e ka ba ye nngwe ya thapelo ya gago go nna, ka gobane ke—ke a e hloka.

Bjale re nyaka go ya ka pela ka go Lentšu.

³⁰ Gomme ga ke nyake go le swarelela botelele kudu, ka gobane ke a dumela go ne kgokagano ya mogala go kgabaganya setšhaba, go wo mosong wo, o ya tselo yohle go tloga Lebopong la Bodikela go ya Lebopong la Bohlabela, go tloga Leboa go ya Borwa. Tše dintši, diphuthego tše dintši di ne madulo a bjalo ka ge bohole le bile fa go tšwa tabarenekeleng. Gape e kgokagane le ka Phoenix, gore mogohle tirelo e lego, e tla thwi ka gare go... Gomme ba kgobokana ka dikerekeng le magae, le dilo boka tšeо, ka lephoto le le sesane kudu. Ba re ebile e kaone go phala kgašo. Ke kgokagano ya mogala, ba Bea seamogedi goba segodišantsu, goba e ka ba eng e lego, ka kamoreng. Gomme ba... Mosadi wa ka o rile, go tleng go tšwa Indiana beke ya go feta, tlase go ya Tucson, go be e no ba go swana le go ema thwi ka kamoreng. Kafao re rapela gore Modimo o tla šegofatša bohole bale ntle mo mothalong mosong wo, e ka ba kae ba lego. Godimo ka New York bjale e tla ba, oo, mo morago ga sekgalela, le dinako tša go fapanage e kgabaganya setšhaba.

³¹ Bjale godimo ka go Puku ya Baroma, tema ya 12, gomme temana ya 1 le ya 2, re duma—duma go bala Lengwalo le.

Ke a le kgopela ka gona, baena, ka dikgaogelo tša Modimo, gore le tliše mebele ya lena sehlabelo se se phelago, se sekgethwa, se amogelegago go Modimo, se e lego tirelo ya lena ya go kwagala.

Gomme le se itshwantšhe le lefase le: eupša ebang ba go fetolelwa ka go mpshafatšwa dikgopolong tša lena, gore le netefatše seo se lokilego, le go phethagala... gabotse, go amogelega, le go phethagala, thato ya Modimo.

³² Bjale, ge Morena a rata, ke nyaka go tšea thuto ya ka bakeng sa mosong wo, go: *Maatla A Modimo A Go Fetolela*.

Gore le se ke la itshwantšha le lefase le: eupša ebang...ba go fetolelwa ka go mpshafatšwa dikgopolong tša lena, bjale, gomme le netefatše se ke se se lokilego, go phethagala, le go amogelega, thato ya Modimo.

³³ Ke sengwalwa sa kgale sa go tlwaelega seo bontši bja badiša ba lena ba se šomišitše tlase go kgabola nako ya lena. Se šomišitšwe ge e sa le Se ngwadilwe. Eupša go le bjalo, selo se tee ka Lentšu la Modimo, ga Le nke le tšofala, ka gobane Ke Modimo. Ga Le nke le tšofala. Go kgabola moloko wo mongwe le wo mongwe bjale, bakeng sa gabotse kgauswi, e ka ba mengwaga ye makgolo a masomepedi seswai, goba bokaone, Lentšu le la Modimo le badilwe ke banna, baprista, le go ya pele, gomme

ga le nke La tšofala. Ke bile go Le bala, nnamong, sebaka sa mengwaga ye itšego ye masometharo tlhano. Gomme nako ye nngwe le ye nngwe ke Le bala, ke hwetša se sengwe se seswa seo ke se tshedišitšego mahlo nakong ya pele. Ka gobane, Le šušumeditšwe, Ke Modimo ka sebopego sa leletere. Le a bona, Ke ditholwanakgopolو tša Modimo di bolela pele, gomme di beilwe godimo ga lephephe.

³⁴ Dinako tše dintši, motho o rile, “Gabotse, bjale, motho o ngwadile Beibele ye.” Aowa. Beibele e re, ka Boyona, gore Modimo o ngwadile Beibele. Ke Lentšu la Modimo.

³⁵ Gomme Le ka se tsoge la palelwa. Jesu o rile, “Magodimo le lefase di tla palelwa, tša feta, eupša Mantšu a Ka a ka se tsoge a palelwa.” Gomme Le ka se palelwe, gomme go beng Modimo, ka gobane Ke karolo ya Gagwe.

³⁶ Gomme gona wena go beng morwa le morwedi wa Gagwe, o karolo ya Lona, gomme seo se go dira karolo ya Gagwe. Kafao ke ka lebaka leo re tlago go kopanela mmogo go dikologa Lentšu la Modimo.

³⁷ Bjale lentšu le go *fetolelwa*, ke lebeletše ka go pukuntšu, maabane. Ge, ke nyakile ke lahlegelwa ke mohlala wa nako yeo ke bego ke swanetše go ba godimo fa, ge ke be ke nyaka sehlogo, gomme ke hweditše lentšu le, goba sehlogo se, a ke re, Lengwalo. Gomme ka go pukuntšu e bolela gore ke “se sengwe sa go fetolwa.” Ke go “fetolwa.” *Go fetolelwa*, “go dirwa go fapanwa go phala se e bego e le.” Go bile, “Semelo sa yona le se sengwe le se sengwe se ile sa fetolwa ka go yona,” *go fetolela*.

³⁸ Gomme ke a nagana mosong wo, go Genesi 1. Lefase le le be le hloka sebopego, gomme le be le se ne selo, gomme leswiswi le be le le godimo ga lefase; go se selo eupša tlhakatlhakano ya go felela. Gomme ge lefase le le be le ka go seemo sela, Moya wa Modimo o sepetše godimo ga sefahlego sa meetse, gomme seswantšho ka moka sa fetolwa; go tloga go tlhakatlhakano ya go felela, go serapa sa Edene. Ao ke Maatla a Modimo a go fetolela, ao a kgonago go tšea se sengwe seo e sego selo le go dira se sengwe sa go makatša go tšwa go sona. Maatla a Modimo a go fetolela!

³⁹ Gomme re kwešiša gore, ka go bala Mangwalo, gore Modimo o bile mengwaga ye dikete tše tshela—tshela go direng tokišetšo ye bakeng sa Edene. Bjale, A ka no be a se a ba botelele bjoo; eupša feela go eleletša, le go e tšea go tšwa go Lengwalo moo Le rilego “letšatši le letee go Modimo, ke mengwaga ye sekete mo lefaseng,” ke gore, ge Modimo a ka bala nako. Gomme e re e bile mengwaga ye dikete tše tshela A bilego go direng lefase, gomme O be a bjetše godimo ga lefase peu ye botse yohle. Go be go no ba se sengwe le se sengwe se phethagetše.

⁴⁰ Ke a nagana, dinako tše dintši, ge ebile baswaswalatši ba thoma go bala Puku ya Genesi, ba thoma go E swaswalatša,

ka gobane go bonala o ka re E ipoletša Yonamong kgafetšakgafetša, goba e go lahlela ntle fa le fale.

⁴¹ Eupša ge re ka no lemoga bakeng sa nakwana, pele re tsena ka go sehlogo sa rena, gore, Moshe o bone pono. Gomme Modimo o boletše le yena. Modimo o boletše le Moshe sefahlego ka sefahlego, dipounama go tsebe. Bjale, ga sa nke A bolela le motho yo itšego yo mongwe ka mokgwa wola, bjalo ka ge A dirile Moshe. Bjale, Moshe o be a le yo mogolo, yo mongwe wa ba bagologolo wa baprofeta bohole. O be a le sekai sa Kriste. Gomme bjale Modimo o kgona go bolela, O na le lentšu. Le ile la kwewa. Modimo o kgona go bolela.

⁴² Gomme Modimo o kgona go ngwala. Modimo o ngwadile Melao ye lesome ka monwana wa Gagwe Mong. O ngwadile mo mabotong a—a Babilonia gatee, ka monwana wa Gagwe. O inametše fase gomme o ngwadile ka lešabašabeng nako ye nngwe, ka monwana wa Gagwe. Modimo o kgona go bolela. Modimo o kgona go bala. Modimo o kgona go ngwala.

⁴³ Modimo ke Mothopo wa mogau le Maatla ohle, le wa bohlale bjohle bjo Bokgethwa, bo ka go Modimo. Kafao kagona, go tsebeng gore, ke Yena Mohlodi a nnoši a lego. Ga go ne mohlodi yo mongwe eupša Modimo. Sathane ga a kgone go hlola, le gannyane, o no fapoša se se hlodilwego. Eupša Modimo ke Mohlodi a nnoši.

⁴⁴ Kagona, O hlotše ka Lentšu la Gagwe. O rometše Lentšu la Gagwe. Kafao dipeu tšohle tseo A di beilego godimo ga lefase, O bopile dipeu tšela ka Lentšu la Gagwe Mong, ka gore go be go se selo gape go dira peu ka sona. O be a di beile, gomme di be di le ka tlase ga meetse. O nno re, “A go be le se, gomme a go be le sela.”

⁴⁵ Bjale re hwetša gore, dinako tše dintši, go lebega eke Beibebe e bušeletša goba e bolela se sengwe go se E sa se bolelego. Mohlala, ka go Genesi 1 re hwetša gore, “Modimo o hlotše motho ka seswantšho sa Gagwe Mong, ka seswantšho sa Modimo O mo hlotše; monna le mosadi O ba hlotše.” Gomme morago O ya pele, le dilo tše dintši di diregile godimo ga lefase.

⁴⁶ Morago re tla go hwetša, go be go se motho go lema mobu. “Ka gona Modimo o hlotše motho go tšwa go lerole la lefase.” Yoo e be e le motho wa go fapania. “Gomme O hemetše moyo wa bophelo ka go yena, gomme o bile soulo ye e phelago.”

⁴⁷ Motho wa pele o be a le ka go seswantšho sa Modimo, e lego Moya. Johane 4, e re, “Modimo ke Moya, gomme bona bao ba Mo rapelago ba swanetše go Mo rapela ka Moya le ka Therešo.” Eupša Modimo ke Moya. Gomme motho wa pele, yoo A mo hlotšego, o be a le motho wa moyo, gomme o be a le ka go seswantšho le go swana go Modimo.

⁴⁸ Gomme morago O tsentše motho yo ka nameng, gomme motho o wele. Kafao morago Modimo o tlide fase le go ba ka go

seswantšho sa motho, gore A ke a lopolle motho yola a welego. Yeo ke kanegelo ya kgonthe ya Ebangedi, go wa ka—go wa ka mmono.

⁴⁹ Bjale, Modimo, mo mengwageng ye dikete tše tshela, o be a bjetše dipeu tšohle tša go makatša tše, goba O be a boletše Lentšu la Gagwe. “Go tla ba ka tsela *ye*. Mohlare *wo* o tla ba. *Se se tla ba.*” Se sengwe le se sengwe se be se phethagetše. Go be go no loka. Gomme O laetše ye nngwe le ye nngwe ya dipeu tšela gore di tla ba, di tla iphetolela tšonabeng ka go sebjalo sa mohuta wa bophelo seo Lentšu la Modimo le se boletšego ka go tšona di tla ba. Ge e be e le mohlare wa moouko, o be o tla tšweletša moouko. Ge e be e le mopalema, o be o tla tšweletša pele mopalema.

⁵⁰ Ka gobane, Mohlodi yo mogolo o be a nno romela pele Lentšu la Gagwe, gomme peu Lentšu e be e le fale pele peu ya kgonthe e ile ya bopša. Gomme Lentšu le bopile peu. Le a bona, “O dirile lefase go tšwa go dilo tše di sa bonalego.” Le a bona, O—O dirile lefase ka Lentšu la Gagwe. Modimo o boletše se sengwe le se sengwe go beng gona.

⁵¹ Gomme go beng Modimo, Mohlodi, a bolela dilo tšohle go beng gona, go swanetše go ba go bile lefase le le phethagetšego. E bile le—le lefelo le lebotse. E be e le pa—pa paradeisi ya mmakgonthe fa mo lefaseng.

⁵² Bjale, ge, lefelo le lengwe le le lengwe le swanetše go ba le motsemošate felotsoko. Khonferense ye e ne motsemošate, le lekala le le ne motsemošate, le kereke e ne motsemošate. Le Modimo o ne motsemošate. Gomme kafao lefelo le legolo le, setšhaba se re phelago ka go sona, le na le motsemošate. Gomme kafao Edene ye kgolo ye e bile le motsemošate, gomme motsemošate wa yona o be o etilwepele ka go serapa sa Edene, goba ka Edene, bohlabela bja serapa.

⁵³ Gomme Modimo o beile godimo ga le, go buša tlholo ya Gagwe yohle fa mo lefaseng, morwa wa Gagwe le monyalwa wa morwa wa Gagwe, Adama le Efa.

⁵⁴ Modimo o be a le Tate wa Adama. “Adama o be a le . . . morwa wa Modimo,” go ya ka Mangwalo. O be a le morwa wa Modimo.

⁵⁵ Gomme Modimo o mo diretše mothuši, go tšwa go mmele wa gagwe mong; mohlomongwe kgopo go tšwa ka godimo ga pelo ya gagwe, gore a be kgauswi le yena, gomme o mo diretše mothuši. Ka kgonthe o be a sešo a ba mosadi wa gagwe, bontši go feta a be a sešo a ba monna; O be a nno e boletše. Gomme fao ke moo bothata bo tlago, Sathane o mo hweditše pele Adama a dira. Kafao, e be e no ba Lentšu la Gagwe A le boletšego.

⁵⁶ Ke bolela seo, ga ke nyake go tšeа nako e ntši kudu go yona. Eupša ba bangwe ba lena ba ka no hlakahlakana nthatana, kudukudu ba bangwe ba batho godimo ka—godimo ka Borwa, o ka re ba hwetša se go hlakahlakana gannyane, go Molaetša woo ke nago le wona go tšwa go Modimo lehono, go batho, fao

ka ga peu ya sephente. Ke ya go ya gae, Morena ge a rata, le lengwe la matšatši a, go Jeffersonville. Ke nyaka e ka ba molaetša wa iri tše tshela, le go otlollela seo sohle ntle, le a bona, gore e ke e no e bea mo lebopong leo le tla tsebago se re bolelago ka sona. Gomme ke GO RIALO MORENA. E no ba therešo bjalo ka ge e bile ge Se bone Kgaetšedi Florence wa rena pele a tloga, mengwaga ye mentši. Le a bona, Ke Therešo. Gomme bjale, rena, mohlomongwe ga se e kwešišege.

⁵⁷ Ge yo mongwe a ka tla go nna, se sengwe kgahlanong, ke tla ba mohuta wa go se se kwešiše, nnamong. Nka se nyake go swaswalatša se e ka ba mang a se bolelago. Ga re ba go swaswalatšana rena seng. Ga ke molato wa go dira seo; ke leboga Morena. Ke swaswaladitše sebe le gosedumele; eupša ga go motho ka motho, le a bona, ga—ga ke dire. Rena re—rena re banabešu le dikgaetšedi, re katana, re tla fase go moo Kgaetšedi Florence a tliego maabane mosong, le a bona. Yena, rena, rena bohole re swanetše go tla ka tsela yela. Gomme ga se morero wa ka go—go leka go swaswalatša ngwanešu goba kgaetšedi yoo a ka se kwanego le wena. Aowa, a go be kgole le nna go dira seo! Ga ke nagane le ka tsoge la hwetša theipi yeo nkilego ka bitša leina la e ka ba mang go yona. Yeo, ke ikwetše gore nako tše dintši motho o be a le phošo, eupša seo se magareng ga bona le Modimo. Eupša se e lego phošo, ka tsela ya sebe le . . . Gomme go se kwešiše dinako tše dingwe ebile ga se sebe, e no ba go se kwešiše ga batho. Gomme ke—ke nagana yo mongwe le yo mongwe wa rena o ne tokelo go itlhagiša renabeng go kwešišo ya rena.

⁵⁸ Bjale Mohlodi yo mogolo yo o be a beile morwa wa Gagwe yo a hlodilwego. Bjale, Adama o be a le morwa wa Gagwe wa mathomo wa go hlolwa. Jesu e be e le Morwa wa Gagwe a *tswetšwego* a nnoši, le a bona, O be a *tswetšwe* ke mosadi. Eupša Adama o be a le ka go otlologa thwi go tšwa seatleng sa Modimo, mo tlholong.

⁵⁹ Bjale motsemošate, le morwa wa Gagwe—wa Gagwe le monyalwa wa morwa wa Gagwe godimo ga tšohle, go bonagetše go phethagala bjalo. Go be go ne mo—mo monna, hlogo ya yona yohle, morwa wa Gagwe Mong le monyalwa wa gagwe.

⁶⁰ Gomme peu ye nngwe le ye nngwe e be e phethagetše, mepalema, le meouko, le bjang, le dinonyana, le diphoofolo. Gomme se sengwe le se sengwe se be se le lenaneong la go phethagala le Molao wa Modimo, “O se fetole tlhago ya gago. Tšweletša pele mohuta wa yona, peu ye nngwe le ye nngwe! Moouko, o se tsoge wa fapogela go mohlare wa mophopho.” Le a bona? “Mopalema, o se ke wa fapogela go se sengwe gape. Eupša peu ye nngwe le ye nngwe ka morago ga mohuta wa yona!” Gomme O be a—O be a e šeditše go kgabola dinako.

⁶¹ Gomme O be a boletše Lentšu. Gomme Maatla a Gagwe a magolo a go hlola a be a bopile dilo tše tseo di tlago godimo,

gomme ebile le monna le mosadi. Gomme ba be ba le hlogo gobane ba be ba le...ba be ba le ka godimo go yohle mehlobo ye mengwe. Gomme O ba beile gape ka tlase ga tlhokomelo ya selo sa go swana seo A beilego mehlare, diphooefolo, le go ya pele: Lentšu la Gagwe. Ga se ba swanela go tsoge, ka mokgwa ofe, ba roba Lentšu lela. Ba swanetše go dula Fale. “Le se tsoge la tloša e ka ba eng go Lona, goba go oketša e ka ba eng go Lona! Le swanetše go phela ka Lentšu le.”

⁶² Gomme ge feelsa tlholo yela e ka be e phetše ka mokgwa wola, Kgaetšedi Shakarian o be a ka se swanele go be a sepetsé mosong wo, ge feelsa e ka be e ile ya dula ka mokgwa wola, ekonomi ye kgolo ya Modimo! Ke se re dumelago gore re lebile morago go sona. Re ya morago go sebaka sela, lefelo lela.

⁶³ Moo mosong wola wa bošupa, ge Modimo a lebeletše godimo ga yona yohle, gomme O rile, “Go lokile. Ke—Ke thabile ka yona. Ya, Ke—Ke—Ke thakgetše Ke e dirile. Gomme yohle bjale e ka tlase ga taolo. Gomme Ke beile tshepo ka go morwa wa Ka le mosadi wa gagwe, gore—gore ba tla (go ba dira hlogo ya yohle ya yona), gore ba tla e hlokomela yohle le go bona gore e lokile yohle, gore se sengwe le se sengwe se tla tšweletša sa mohuta wa sona. Bjale o ne maatla go dira seo.” Modimo morago o rile, “Gabotse, ge yohle e le e botse bjalo, gomme e ka se be e ka ba eng gape, ka gobane ke tlhologelo ya Ka Mong. Go ka tsela ye Ke e nyakago. Gomme Ke e boletše ka tsela yela, gomme Mantšu a Ka a e tšweleditše feelsa tlwa ka tsela ye Ke e nyakilego. Gomme šele fale. Ke mo gobotse gohle!” Kafao Beibele e rile, “Modimo o khutšitše letšatši la bošupa, go tloga go mediro ya Gagwe yohle.”

⁶⁴ Gomme se sengwe le se sengwe ka tlase ga taolo, go tšweletša mohuta wa sona. Bjale elelwang, “go tšweletša.” Ge A beile peu ka lefaseng, peu e kgona feelsa go tšwelela ka maatla a bophelo ka gare ga yona, go e fetolela go tloga go peu go ya go sebjalo, goba e ka ba eng e bilego. Maatla a Gagwe a go fetolela! Bjale, Modimo o beile peu ka fale, ka maatlakgonagalo gore e tla ba se A rilego se tla ba. Gomme ge feelsa se dutše ka go leemo la sona la kgonthe, se tla no ba tlwa se Modimo a rilego se tla ba. Go be go swanetše go ba ka tsela yeo, ka gobane O be a e dirile ka tsela yeo, gomme o dirile tšhanele. Gore, e ka ba eng e dulago ka go tšhanele ya Gagwe, ka go mothalo wa Gagwe wa Lentšu, se swanetše go tšweletša tlwa go swana Lentšu la Gagwe le rile se tla dira. Se ka se kgone go tloga go tloga fao. Se tšhaneletšwe feelsa gabotse tlwa. Kafao, le se sengwe le se sengwe ka go tshepo ya morwa wa Gagwe Mong, gore go tla ba ka tsela yeo, ka gona Modimo o rile, “Gohle go lokile, kafao Ke tla no khutša. Gomme ye nngwe le ye nngwe ya dipeu tšela e na le maatla ka go yonamong, go fetolela yonamong ka go sephedi seo Ke ratago se e ba. Seo ke se se swanetšego go ba, ka gobane Ke file peu ye nngwe le ye nngwe maatla a go fetolela, go dira

ntle ka boyona, ka go maatlakgonagalo a yona bjale go dira ntle ka boyona tlwa se Ke nyakago se e ba."

⁶⁵ Modimo ga se nke a fetoga. Feela wa go swana lehono bjalo ka ge A bile nako yela! Modimo o ikemišeditše go dira se sengwe. O tla se dira. Ga se gona se yago go Mo thibela. O tla se dira!

⁶⁶ Bjale ka morago ga ge yohle e beilwe gabotse bjalo le go bewa ka go lenaneo, Modimo o ikwetše kgonthe bjale gore se se tla loka, gomme kagona, ge A dirile, morago go tsene lenaba. Ke ya go . . . Modimo o file maatla go fetolela. Gomme ke ya bo bitša moisa yo, ka maatla e segó go—go hlola gape, eupša ke ya . . . O bile le maatla go golofatša, e segó go fetolela; eupša go golofatša. Bjale, e ka ba eng e golofaditšwego e tlošitšwe go seemo sa sona sa setlogo, go ne se sengwe se fošagetšego ka sona.

⁶⁷ Mengwaga ye itšego ya go feta, go patroleng, ke eya godimo go kgabola mašemo a mabele, ke tla nagana ka, go be go ne lekabe le hlohlorilwe go tloga mohlareng, gomme le wetše godimo ga lehlaka la lebele. Gomme lehlaka le be le leka bokaonekaone bja lona go ema thwi go swana le swanetše go ba, eupša le be le golofetše ka lebaka la gore se sengwe se be se diregile. Gomme phata e be e robetše godimo ga lona.

⁶⁸ Kagona re hwetša motangtang mo tšhemong. Woo, bontši bja lena banna fa, le mohlomongwe ba bangwe ba lena basadi . . . ge le etšwa Kentucky. Basadi ba šomiša mogoma fale go swana le monna a dira, ba ya ntle tšhemong le—le mogoma, re o bitša mogoma wa molala wa lepidibidi, gomme ba hlagola momo motangtang. Ka gore, ge o ka se tloše motangtang wola, moo lebele e bego e le ka go mothaladi, ka tsela *ye*, kagona motangtang o tla obeletša, wa swara lebele lela, gomme wa itata wonamong go rarela gannyanegannyané, ga bonolo bjalo, ka bohlajana bjalo, gore go thata go lemoga o be o itata. Gomme mafelelong o a tielela le go tielela, gomme o goga lebele lela go fihla le golofala. E o gogela go onamong, o itata go rarela mohlare wa ona mong; go o golofatša go tloga go se o bego o le, go se sengwe gape. Go le bjalo ke lebele, eupša ke lebele le le golofetšego.

⁶⁹ Gomme bohole re sa le ka go seswantšho sa Modimo. Eupša ba bangwe ba golofetše, bjalo ka barwa ba Modimo, bao ba sepelago kgahlanong le Lentšu la Gagwe le ka tsela *yeo—yeo* A bilego le rena le go re beela go sepela. Go beeng se sengwe, lefase le re kobela go tšwa tseleng, go re gogela kgauswi le lona, le kgole go tloga go wa go otologa, mmila wo mosesane woo A re bjaletšego ka go ona, go ba barwa le barwedi ba Modimo. Sebe se dirile selo se sebe se go barwa le barwedi ba Modimo.

⁷⁰ Mogolofatši! Ke a tseba se se bogega go ba go tlabá go bolela ka sona ka tsela *ye*, "go—go golofatša," eupša seo ke se a bilego; o golofaditše, goba o fapošitše. Go *fapoša* go ra "go fetolwa godimo, go dirwa se sengwe go fapaná." Gomme go golofatša ke

selo sa go swana, gore se tlišitšwe godimo le go golofatšwa, le “go dirwa ka tsela ye nngwe.” Go le bjalo e sa le peu ya go swana, eupša e golofaditswe.

⁷¹ Bjale re hwetša gore mogolofatši yo o bile gape le tekano ya go swana ya nako, go golofatša, bjalo ka ge Modimo a bile go fetolela. Bjale o bjetše peu ya gagwe, goba, ga se ke a bjala peu ya gagwe, o...ka serapeng sa Edene. Ge e sa le go tloga nako yela, o bile le mengwaga ye dikete tše tshela go golofatšeng Peu ya Modimo, Lentšu la Modimo; go Le golofatša, go Le dira se sengwe go fapania; ge a...lekgia la mathomo leo Efa a mo theeditšego, gomme a ikhweletša yenamong polelwana ye nnyane.

⁷² Elelwang, sa pele Sathane o tsopotše Lengwalo lela feela ka go hlaka ka moo le ka bago, “Modimo o boletše gore, ‘Le se ke la ja go tšwa go mohlare wo mongwe le wo mongwe ka mo serapeng sa Edene?’” Le a bona? “Le ka se je go tšwa go mohlare wo mongwe le wo mongwe?”

⁷³ Gomme elelwang bjale, Efa o rile, “Ee, re ka ja go tšwa go mohlare wo mongwe le wo mongwe; eupša mohlare wola o lego gare ga serapa, ga se ra swanela ebile go o kgwatha.” Bjale mo šetšeng, ka go molaetša wa gagwe, go koba Lentšu lela feela gannyane nthatana. Go boleleng... Efa o rile, “Ka gore Modimo o boletše, gore, ge re dira se, letšatši leo re a ‘hwa.’”

⁷⁴ O rile, “Oo, kgonthe le ka se hwe.” Le a bona, o be a le momo motho, o rile, “Wena, wena dira se bjale. Gomme, wena, wena o mohuta wa batho ba go se tsebe. Wena, ka kgonthe, wena ga o tsebe dilo tšohle. Eupša ge o ka ja go tšwa go se, gona o tla ba le bohlale, o tla ba le tsebo. Wena o tla tseba botse go tloga go bobe le go ba bjalo ka badimo, wena, ge o ka ja feela go tšwa go bohlale bjo bjoo ke nago le bjona. Ke a tseba, eupša ga o dire.”

⁷⁵ Yeo, go lokile go ba le bohlale. Eupša ge bohlale bo le kgahlanong, ge bohlale bo se bohlale bja maleba go tšwa go Modimo, bohlale bjo Bokgethwa, gomme wa ba bohlale bja tlhago; ga ke kgathale ke saense e kaakang kudu re nago, le e ka ba eng gape, goba thuto, ke ya diabolo. Ke tla go netefaletša, Morena ge a rata, mo metsotsong e se mekae. Ke ya diabolo.

⁷⁶ Tlhabologo ke ya diabolo. Ke sa tšwa go fetša go rera ka seo. Setšo sohle ka lefaseng, maatla ohle a saense, le se sengwe le se sengwe, ke sa diabolo. Ke ebangedi ya gagwe a e rerilego, ya tsebo, ka serapeng sa Edene. Gomme o tšere tsebo yela, tsebo ya go fapoga, kgahlanong le Lentšu le thato le peakanyo ya Modimo. Gomme bjale o bile le mengwaga ye dikete tše tshela go no dira tlwa se Modimo a se dirilego, feela ka tsela ye e fapogilego, gomme o tšere tekanyo ya go swana ya nako go tliša Edene ya gagwe ka gare. Bjale o na le Edene fa mo lefaseng, gomme e tletše ka bohlale, tsebo. Yeo e bile ebangedi ya gagwe mo mathomong, tsebo, bohlale, saense. Modimo ga se nke a ke a

dumelela tše bjalo. Gomme ke—ke nyaka le šetšeng motsotso. O dirile se, gomme ka gobane gore o be a le motho wa bohlale bja selefase.

⁷⁷ Bjale, go thata go bolela se. Go—go thata kudu, ka gobane go bolela le batho ba ba ikwago ka tsela ya go swana ke dirago, le ka tsela ke bilego bakeng sa mengwaga ye mentši. Eupša ge e sa le go bulwa ga Mahuto a Šupago ale, a bona Barongwa feela ka morago ga thaba mošola, *Yé* e fetogile Puku ye mpsha. Ke dilo tše di bego di utilwe, di utollotšwe bjalo ka ge Modimo a tshepišitše ka go Kutollo 10, O tla e dira. Gomme re batho ba go ba le monyetla bao Modimo a ba kgethilego, ba lefase, gore re ke re bone le go kwešiša dilo tše; tše e sego nonwane, monagano wa senama wa motho a leka go e bopa. Ke Lentšu la Modimo le dirilwe go bonagala, le netefaditšwe, gore Le lokile. Le netefaditšwe, e sego ka saense; eupša ke Modimo, gore Le lokile. Modimo, bjalo ka ge ke boletše pele ka go molaetsa, Modimo ga a hloke e ka ba mang go hlatholla Lentšu la Gagwe. Yena ke Mohlatholli wa Gagwe Mong. O re e a direga, gomme e a direga. Ke gore, O—O a le tiisetša, seo se a le hlatholla.

⁷⁸ Mengwaga e se mekae ya go feta ge, rena batho ba pentecostal, ge di—di dikereke tše dingwe di re boditše gore re be re “gafa,” re “ka se kgone, Moya wo Mokgethwa e be e le selo se se fetilego.” Eupša re hwetša gore tshepišo ya Modimo e be e le go e ka ba mang a ratago, gomme bjale re tseba go fapania. Le a bona, gomme seo e no ba gannyane gannyane, selo se se bulegile.

⁷⁹ Gomme bjale O tshepišitše gore diphihlo tše di bego di utilwe ka go tsela, mabaka ale ohle a kerekere, di tla utollwa thwi mo nakong ya bofelo. Gomme O re dira re tsebe bjale. Re mo mafelelong a nako. Re fa bjale.

⁸⁰ Bjale, Sathane ke mohlami wa tlhabologo. Yena ke mohlami wa saense. Yena ke mohlami wa thuto.

O re, “A yeo ke therešo?”

⁸¹ Go lokile, a nke re bale ka go Lentšu la Modimo bjale, Genesi 4, gomme a nke re ye morago le go no bona bakeng sa motsotso. Ke a tseba nka no, ge nka tšeaa botelele kudu, Ngwanešu Carl ka kgonagalo o tla mpotša. [Yo mongwe o re, “Go lokile.”—Mor.] Eupša, Genesi, tema ya 4, gomme temana ya 16, eya pele e bolela fa, mo mathomong, se Modimo a se dirilego ka lenaneo, go bea thogako godimo ga monna le mosadi, le tšohle tše di bego ba swanetše go dira; gomme e sego *thogako* go bona, eupša go ba botša se se tla diregago, le go roga mobu sebakeng sa Adama. Gomme re hwetša fa bjale gore Efa o bile le para ya mafahla. Gomme yo mongwe wa bona o be a le wa Sathane, gomme yo mongwe wa bona a le wa Modimo.

Bjale o re, “Oo, aowa! Aowa. Bjale, Ngwanešu Branham!”

⁸² Feela motsotso. Nkhweletše Lengwalo le letee, e ka ba kae, leo le rego Kaine o be a le morwa wa Adama. Ke tla go bontšha

ka go Lengwalo moo Le rego, “Kaine o be a le wa yola yo mobe,” e sego Adama.

⁸³ Bjale hlokamelang ge a imile fa. Re thoma ka tema ya 4, pele.

Gomme Adama o tsebile . . . mosadi wa gagwe; gomme a ima, gomme a belega Kaine, gomme a re, ke hweditše . . . o rile bjale, ke hweditše morwa go tšwa go MORENA.

⁸⁴ Nnete, e be e swanetše go ba. Ga go tshwenye ge e be e le malegogwana goba e ka ba eng, e be e swanetše go tšwa go Modimo, le a bona, ka gobane yeo ke peu ya Gagwe, ke molao wa peu ya Gagwe, e swanetše go tšweletša e ka ba ke peu ya go senyega, peu ya go fapoga, goba e ka ba eng e lego. E swanetše go tšweletša, ka tselamang. Ke taelo ya Gagwe.

Gomme gape o belege ngwanabo Abele.

⁸⁵ Ga se a mo tseba gape. Adama o tsebile mosadi wa gagwe, gomme o belege Kaine gomme gape o belege Abele, mafahla. Sathane o be a ne yena mosong wola, Adama morago ga sekgalela sela.

⁸⁶ Le bona kgogagogano e kgolo ka lephepheng fa, ke a dumela, ka Tucson bjale, ya mosadi yola a tšweleditše ngwana wa mokhalate le ngwana yo mošweu, ka nako ya go swana. O phetše le monna wa gagwe mosong wola, le monna morago ga sekgalela sela. Gomme monna o tla hlokomela, monna wa mošweu o rile o tla hlokomela ngwana wa gagwe mong, eupša monna wa mokhalate o tla swanela go hlokomela wa gagwe mong. Le a bona? Ke tseba seo, go tswadišeng dimpša le go ya pele, ka kgonthe e tla dira, ge e le diiri di se kae ka morago. Se se a e netefatša.

⁸⁷ Bjale go bontšha moo tlhabologo e tšwago gona, bjale a nke re bale Genesi godimo fa, ka go tema ya 4 ya Genesi gape, le go bona moo. Temana ya 16.

Gomme Kaine o tlogile bogoneng bja Modimo, gomme o dutše ka nageng ya Node, ka lehlakoreng la bohlabela bja Edene.

Gomme Kaine o tsebile mosadi wa gagwe; gomme a ima, gomme a belega Henoge: gomme o agile toropokgolo, gomme o biditše leina la toropokgolo, ka morago ga . . . morwa wa gagwe, Henoge.

⁸⁸ Tlhabologo e thomile. Ngaka Scofield, fa ka go Beibele ya ka ya Scofield, e re, “Tlhabologo ya mathomo.” Hlokamelang, morago o belege barwa, gomme ba dirile diokene le mmino. Wa go latela o belege barwa, gomme a thoma go dira dilo tše dingwe, matete, go aga ditoropokgolo, le—le go dira diletšo tša mphiri, le mehuta yohle ya dilo. Le a bona, seo ke se a se dirilego, go ba tlhabologo ya mathomo, e bego e le baKaine. O dirile selo sa go swana tlase go theoga mabaka.

⁸⁹ Bjale a re tleng fale le temana ya 25, gomme re šetše se sa go latela se bilego.

Gomme Adama o tsebile mosadi wa gagwe gape, bjale, gomme a belega morwa, gomme o mo reetše leina la Sethe: Ka gore Modimo, o rile, o mphile peu ye nngwe sebakeng sa Abele yo Kaine a mmolailego.

Gomme Sethe... Gomme go Sethe, go yena gape go belegwe morwa; gomme o mo reetše leina la Enose: gomme nako yeo batho ba thomile go bitša leina la MORENA (go tšwa go lehlakore la Sethe, e sego lehlakore la Bakaine.)

⁹⁰ Le a bona, bohlale bjola bjo bogolo bjoo bohle re swarelelagoo bjona! Bokomonisi ke eng lehono, modimo wa bona ke eng? Ke bohlale, saense. Re dira eng, go le bjalo? Re phela kae? Šedišiša mantšu a lehono.

⁹¹ Bjale o ne mohuta wa gagwe wa Edene, Sathane o a dira bjale. Ka go mengwaga ye e dikete tše tshela, o bopile (e sego go hlola), eupša, o golofaditše lefase lohle la Modimo; dibopša tša gagwe, diphoofolo, go hlakanya pelego, go tswaka; mehlare, dibjalo, batho; ebile le bodumedi, Beibele, kereke; go fihlela a ikhweleditše yenamong serapa sa go felela sa Edene, sa saense, se sengwe le se sengwe se sepetswa ke saense. Difatanaga tša rena, se sengwe le se sengwe re nago, re se filwe ke saense, se motho a se dirilego. Gomme o ne Edene ya gagwe ye kgolo fa; go netefatša Molaetša o nakong, go netefatša gore ga se lebaka le lengwe le itšego eupša Kutollo 10! Lebelelang go go tswaka lehono, go dira ye kaone, goba, ye botse, e sego e kaone. Lebelelang go bana ba bannyane lehono.

⁹² Ke bile le morwedi wa ka go rameno, maabane, gomme o rile meno a gagwe a kobegile. Ngwanešu tlase ka Tucson, Ngwanešu Norman, o bile le morwedi wa gagwe, gomme meno a gagwe a be a kunyugetše ntle. Gomme rameno o re go se kgale, o a dumela, gore mohlomongwe mo dinakong di tlago, gore batho ba tlo belegwa, meno a hloga ka tsela e ka ba efe. Ke dijo tše re di jago, dijo tša go tswakwa.

⁹³ A le badile *Reader's Digest*, kgwedi ya go feta, ka ga Billy Graham, moebangedi wa go hlomphega? A le be le mo theeditše? Ke a mo rapelela bjale go feta nkile. Ge a boletše le bale bahlanola dikholoro go dikologa, le go ya pele, bošego bjo bongwe, go e beyeng godimo ga moruti yola. Se sengwe se diregile go yena. Le lengwe la matšatši a, ke a holofela o bona leemo la gagwe moo a lego, hlokamelang, bjale o bitša go tšwa Sodoma, toropokgolo yela ya go fapoga. Gomme bjale hlokamelang ka go *Reader's Digest* ye, Billy o bile go fokola kudu gore ebile ga se a kgon a go swara dikopano tša gagwe. Gomme ba mmoditše o swanetše go kitima, go itšhidulla, le go ya pele.

Kafao o kitima maele letšatši le lengwe le le lengwe, ke a dumela ke yona, goba se sengwe, go itšidulla.

⁹⁴ Motho o bodile. Moloko ka moka wa motho o senyegile. Se sengwe le se sengwe se bjalo ka ge go bile pele ga nako ya mafula. Ka go felelela e tswapogile, e retologile go dikologa, go fapano le mothalo wa go otlologa woo Modimo a ba bjaletšego ka gona. Sebe, ka saense le bofora, e kobile moloko ka moka wa motho.

⁹⁵ A le badile gape feela ka fasana ga athikile yela, moo e rilego, “Mo matšatšing a, gore basetsana ba bannyane le bašemane ba ka go mengwaga ya bona ya magareng, go ya ka sebopego sa sebele, magareng ga bogolo bja mengwaga ye masomepedi le masomepedi tlhano.” Naganang ka sona.

⁹⁶ Ka go go fenyeka bošego bjo bongwe, ke topile mosetsana godimo bogolo bja mengwaga ye masomepedi pedi, ka go menophose, go mmiletša ntle. Gomme seo ke se ngaka ya gagwe e mmoditšego.

⁹⁷ Le a bona, ke wa go wa, wa go foforega, moloko wa go lebanya heleng wa tshenyego. Ke a tseba seo se kwagala go se hlomphe, eupša ke go ya ka Beibele, le a bona, yeo ke therešo; gomme moloko wo re phelago ka go wona, moloko wo wa batho.

⁹⁸ Bjale hlokamelang lehono, go tswaka ga dikgomo, go tswaka ga dimela; gomme saense e tla morago thwi go rarela, saense ya go swana yeo e e dirago, e re, “Seo ke se se senyago moloko ka moka wa motho.” Le e bala go swana le ge ke dira. Gabotse, gobaneng ba sa e emiše? Ke ka gobane gore ba ka se kgone go e emiša. Lentšu la Modimo le e boletše e tla ba ka tsela yeo. Eupša ge ba ka nagana lebaka la motsotso, ke bona didirišwa, bjalo ka Judase Isikariote, ba bea tlwa selo seo Modimo a rilego se tla direga. E e dira feela tlwa mo motheong wa bona beng wa saense.

⁹⁹ Ka diphatišo tša bona tša saense, ka phethene ya go swana a forilego Efa, yena gape o forile kereke, ye fale Efa a bego a le sekai. Bjale, bjale Adama sekai fale gape, goba Efa, a ke re, sa kereke, hlokamelang se e se dirilego. Ka go sesella bakeng sa tsebo, o thedimogela go kgabaganya mothalo magareng ga botse le bobo, ka go theetša phapogo ya Sathane, goba kgolofalo, ya Lentšu la Modimo la setlogo.

¹⁰⁰ Gomme bjale dikereke lehono di bile go golofatšwa. Bjale ga ke bolele ka batho, motho ka motho. Ke bolela ka kereke lefase. Ye tee e kobegetše ka tsela e tee, gomme ye tee e kobegetše go ye nngwe, gomme, ka saense. Phethene ya go swana yeo a e dirilego. O phethagaditše tšošetšo ya gagwe, Sathane o dirile, ya Jesaya 14:12.

¹⁰¹ A re nong go bala yeo lebaka la motsotso. Ka go Puku ya Jesaya, a re thomeng ka tema ya 14, temana ya 12.

O wele bjang go tšwa legodimong, O Lusifa, morwa wa moso! o lahletšwe bjang fase go mobu, wena o fokodišitšego ditšhaba!

Yo ke Jesaya a mmona mo ponong, le a bona, mo lebakeng la go tla.

Ka gore wena o rile ka pelong ya gago, ke tla rotogela ka legodimong, ke tla phagamiša terone ya ka ka godimo ga dinaledi tša Modimo: ke tla dula gape godimo ga thaba ya phuthego, . . . mathokong ka leboa:

¹⁰² Morero wa Sathane, go tloga Edene, e be e le go dira Edene ya gagwemong; le go iphagamiša yenamong godimo, gore dinaledi tša Modimo di tla mo rapela, barwa ba tla mo rapela. Gomme ka kgontho e o phethagaditše bjale, gomme ge a dirile se gomme o se tlišitše ka kerekeng. Se, nka se ye go dintlha. E ka ba mang wa lena a theeditše tšona ditheipi o tseba ka ga yona. Gore, yeo ke tlwa iri re phelago ka go yona, gomme ke Sathane a dirilego ka mananeo a thuto, go swanelo bokaone, bokaone *se*, bokaone *sela*. Gomme go se tsebe, nako tšohle, ba sepela thwi ka go otologa ka lehung. Ba foufetše, ba hlahla sefov, baetapele ba foufaditšwego ba ditšhaba, baetapele ba foufaditšwego ba saense, baetapele ba foufaditšwego ba kereke, sefov se hlahla ba foufaditšwego. Jesu o rile, “Ba tlogeleng ba nnoši, bobedi ba tla wela ka mokoting.”

¹⁰³ Fa hlokomela sekai sa diEdene tše pedi di kailwe mmogo kgauswi kudu, go fihla di nyakile go fora bona Bakgethiwa. Mateo 24:24 e boletše gore go tla ba ka tsela yeo. Eupša ke nyaka re eme lebaka la nakwana e se kae le go šedišiša diEdene tše pedi tše, gomme selo se tee ka go ikgetha, ka fao Beibele e re botšago gore Lentšu la Modimo le ile la tšweletša Edene yela, le ka fao Lentšu la Modimo le re sebotšago gore Edene ye nngwe e tla tla.

¹⁰⁴ Bjale, re a tseba gape gore go swanetše go ba Edene ye nngwe, ge re ka theetša gape go moprofeta, Paulo, ka go Bathesalonika ba Bobedi tema ya 2. Nka E bala ge le nyaka go.

Yena yo a phagamišago yenamong; letšatši leo le ka se tle, la Morena, go fihlela monna yola wa sebe a utollwa, . . .

...yena yo a dulago ka tempeleng ya Modimo, a iphagamiša yenamong ka godimo ga tšohle tše di bitšwago Modimo, gore yena bjalo ka Modimo a rapelwe bjalo ka Modimo.

¹⁰⁵ Naganang ka seo! Bjale Jesaya 14, moprofeta o boletše gore o bone “Lusifa, ka pelong ya gagwe,” ka pono ka tlase ga tšhušumetšo ya Modimo, “a re o tla dira seo.” Ka go Jesaya, mengwaga ye makgolo a seswai pele ga Paulo, goba go batamela yeo.

¹⁰⁶ Bjale fa, mengwaga ye makgolo a seswai moragorago, Paulo o a mmona, o tla go leemo la gagwe. Hlokomelang, e a kgobokana,

Edene ya gagwe; Edene ya gagwe ya saense, ka lefase la gagwe la saense, ka kereke monyalwa wa saense, bohle ka tlase ga le—le lentšu la “tsebo,” diseminare tše kgolo,igrata tše kgolo, mananeo a tša thuto.

¹⁰⁷ Theetšang, ngwanešu, kgaetšedi, yo mongwe le yo mongwe wa rena o ya go sepela tsela yela yeo Florence a e sepetšego. Ke a go kgopela, ka Leina la Jesu, go šetša Se. E sego go šetša nna. Ke nna ngwaneno. Seo, seo ga se sona. Šetša Lentšu leo ke le bolelago, la Beibele ya Modimo. Gomme lebelela go kgabola, ka go phethagala le hlatseditšwe ka go Lentšu la Modimo Mong, mo lebakeng re phelago ka go lona, moo re lego gona.

¹⁰⁸ Mananeo a ka kgonthe ke molwalekriste, ka bonabeng. Bjale, o swanetše go ba le Edene, o rile o tla dira. Še Lentšu la Modimo le bonolo le re o tla e dira, gomme fa re lebeletše thwi ka ntłe le go mmona a e dira. O e dirile ka wa gagwe wa bohlale, wa saense, monyalwa wa kereke ya leina. O ya go tsea hlogo, le lengwe la matšatši a, ka go Khansele ya Dikereke tša Lefase yeo e tlagohlongwa. Tšohle di tla ba le yena. Go leka . . .

¹⁰⁹ Batho, e se ka gobane ba le batho ba babe; ba bjalešwe ka go mothalo wola wa go otlologa, bjalo ka lebele, eupša Sathane o bjetše motangtang, o bitšwago saense, diphatišo, thuto,igrata tša bongaka. Nako ye nngwe ebile ba ka go se dumelele ka phuluphithing ntłe le ge o ka tšweletša grata ya bongaka go tšwa go seminari tsoko felotsoko. E fošagetše yohle! E sego batho; ke lenaneo leo le fošagetšego. Gomme bjale le dirile eng? E bothagane gape, le go tliša lefase lohle ka moka (ka sehlopha sa go tswaka, phapogo ya Peu ya Modimo ya setlogo) go ya go tlhakatlhakano ye nngwe ya go fifatšwa.

¹¹⁰ Eupša ke thakgetše kudu gore Modimo o gopolka ka rena gape, gore O sa kgona go sepela godimo ga sefahlego sa seemo. O tshepišitše O tla e dira, le go bitša mohlape wo monnyane wo e tla bago Monyalwa wa Gagwe.

¹¹¹ Hlokamelang fa gape bjale, ka fao ka phethagalo dikereke tše di kayago, goba diEdene tše.

¹¹² Modimo, ka Peu ya Lentšu la Gagwe! Gomme go ne selo se tee feela seo se kgonago go phediša Lentšu, gomme seo ke Moya, ka gore Wona ke Mofi wa Bophelo go Lentšu. Gomme ge Bophelo ka go Lentšu bo kopana le Bophelo bja Moya, Bo tšweletša e ka ba eng Peu e lego.

¹¹³ Bjale hlokamelang se se diregilego. Ka serapeng sa Edene go be go le ekonomi ya Modimo ya go hloka molato, gomme seo e be e le se sengwe sa di—di dikgao. Sekgao sa mathomo e be e le go hloka molato, batho ba be ba sa tsebe sebe. Ga se ba tseba e ka ba eng ka sebe. Bobedi Adama le Efa ba be ba hlobotše, eupša ba be ba širilwe go tloga go tlhobolo ya bona, ka lešira la moya godimo ga sefahlego sa bona. Ga se nke ba tseba gore ba be ba hlobotše, le gannyane, ka gobane ba be ba širilwe. Ka

gore, lešira la Modimo ka go menagano ya bona beng, ba be ba sa tsebe se botse le bobe e lego. Gomme bona bobedi ba eme fale ba hlobotše, go laeditše gore tsebo e be e sešo ya tla go bona, le a bona, gore ba be ba hlobotše. Bobedi ba be ba hlobotše gomme ba sa e tsebe.

¹¹⁴ Bjale ge le ka phetla, ge le duma go, goba go e ngwala fase, go Kutollo, tema ya 3. Moya wo Mokgethwa o bolelelapelle lebaka le la mafelelo, go Lebaka la Kereke ya Pentecostal ya Laodikia mo matšatšing a mafelelo, O rile, “O hlobotše, gomme o foufetše, gomme ga o e tsebe.”

¹¹⁵ Ŝeo Peu ya Modimo, ka tlase ga go hloka molato, ba sa tsebe le gannyane ba be ba hlobotše, ka tlase ga lešira la Moya wo Mokgethwa, o ba širile go tloga go sebe.

¹¹⁶ Gomme bjale ka go lebaka la mafelelo la kereke, re hwetša fa gore ba hlobotše gape, gomme ga ba e tsebe. Eupša ga se lešira la Moya wo Mokgethwa. Ke lešira la Sathane le ngwegetše godimo ga Efa morago fale, lešira la dikganyogo, lešira la dikganyogo. Ba tšhilafetše kudu go fihla ga ba tsebe gore ba hlobotše, basadi ba rena mo mokgotheng, ba apere dišothi, diaparo tša thobalano.

¹¹⁷ Yo mongwe o nthometše seripana ka go lephephe letšatši le lengwe, ya seaparo se seswa seo ba yago go se apara, ke a nagana, diintshi tše lesomenne go tloga mathekeng, goba se sengwe. Gomme ke a makala ge eba ba rena—ge eba basadi ba rena ba a lemoga gore seo ke lešira la dikganyogo?

¹¹⁸ Bjale o—o tla re, “Nka go netefaledša, pele ga Modimo, gore ke hloka molato wa e ka ba go otswa gofe go monna wa ka, goba ke—ke...sohle se.”

¹¹⁹ Eupša go le bjalo, mo Kahlolong, o ya go bitšwa “seotswagadi.” Beibele e boletše bjalo. Jesu o rile, “Mang le mang a lebelelago mosadi go mo kganyoga, o šetše a dirile bootswa le yena ka pelong ya gagwe.”

¹²⁰ “Sefofu, o hlobotše, gomme ga a e tsebe!” E sego bona basadi ba go šokiša ntle fale; ga se gona ke nago kgahlanong le bona. Ke bobe bjola! Gomme tshepedišo ya kereke e bonala go šitwa go bo lemoga goba go ema kgahlanong le bjona; e ba dumelela go kota moriri wa bona, go apara meikapo, le dišothi le dilo, ka tlase ga leina la Bokriste. A selo sa go šiiša se lego! Le a bona, ba hlobotše gape, ka go Edene ya Sathane, gomme ga ba e tsebe. Ga ba e tsebe.

¹²¹ Ke a dumela ke a bona, mohlomongwe, go lebelela go kgabaganya fa, mogobe wa go ruthelwa, gore basadi ntle fale bjale. Ge nkabe mosadi yola feela a lemogile sela se a se dirago, eupša ga a tsebe. O hlobotše. Mmele wa gagwe ke wo mokgethwa. O tšola diaparo tše Modimo a mo apešitšego, ka letlalo, bakeng sa moloko wo. Kgafetšakgafetša o a di fokotša. O hlobotše, ka tlase ga lentšu la ‘tlhabologo, thuto ya godimo, tlhabologo ye kaone, maitshwaro a godimo.’ A nke ke be le kgonthe gore se se

a nwelela. Yohle ke ya diabolo, gomme e tla senywa mo go Tleng ga Morena Jesu. E tla senywa, nthatana ye nngwe le ye nngwe ya yona. Go ka se be le selo se šadišitšwe.

¹²² Gomme, oo, mogwera, go kgabaganya setšhaba, bjalo ka ge o nttheeditše fa ka Phoenix, nagana ka dilo tše! O fa ka taolong ya tšona. Bjale, Jesu o boletše gore, “Ba tla fora Bakgethiwa ge go kgonagala.”

¹²³ Moya wa mathomo o bile . . . lešira la mathomo e be e le lešira le lekgethwa, Moya wo Mokgethwa, gomme o be a swanetše go lebelela ka ntle ga Woo. Eupša ge—ge Sathane a thoma go bolela le yena ka tsebo, o ile a no swanelo go tšea go hlodimela go gonyanye go lefase.

¹²⁴ Gomme seo ke tlwa se morwedi wa gagwe, kereke, a se dirilego. O swanetše go bona, o swanetše go apara boka naletšana tsoko ya mobi, goba masogana a swanetše go itshwara boka Elvis Presley goba—goba Pat Boone, goba—goba ba bangwe ba batho bale, ka tlase ga leina la borapedi.

¹²⁵ Pat Boone ke wa Church of Christ. Elvis Presley ke Mopentecostal. Baanegwa ba babedi ba nago matimone bao ba lahletšego lefase ka go tlhakatlhakano ye mpe kudu go feta Judase Isikariote a dirile go ekeng ga Jesu Kriste. Ga ba e tsebe. Bona bašemane ga ba tsebe seo. Ga se gona ke nago kgahlanong le bašemane bale—bale, banna, ke moyo woo o e hloholetšago.

¹²⁶ E no tepogela ka go lehlakore lela nthatana e tee, a nke motangtang wola o be le go swara go gotee go gonyanye go raretša tšhatšha ya lebele lela, nako ye nngwe, šetša se se diregago; lebele e sepetše. Oo, ya, e šetše e mo swere. Gomme yeo ke tsela e tla e dirago. E tla e dira nako le nako. Efa o ile a swanelo go tšea feela go hlodimela gatee go lefase.

¹²⁷ Gomme a nke ke bolele se sengwe go wena, ngwanešu le kgaetšedi. Ka go Johane wa Pele, tema ya 2 gomme temana ya 15, re ka E bala ge le duma, Beibele e re:

. . . Ge re rata lefase, goba dilo tša lefase, ke ka gobane
lerato la Modimo ebile ga le gona ka go renā.

¹²⁸ Bjale, lentšu fale ga se *lefase*; ke lentšu la Segerike, ke *kosmos*, le rago “lenaneo la lefase.” Ge re rata difešene tša lefase, lefase, ge re rata therente ya letšatši, ge re nagana “ye ke nako ye botse, oo, re ne dilo tše tšohle,” ge o nagana seo, ke ka gobane go nagana ga gago go fošagetše. E arošitšwe ke diabolo. “Ka gore ge o rata lenaneo la lefase, le dilo tša lefase la bjale, ke ka gobane lerato la Modimo ebile ga le ka go wena.” Elelwang seo. O Modimo! Lebelela se re lebeletšego ka go sona!

¹²⁹ Fa ke nyaka go ema feela motsotso le go le botša kanego ye nnyanye. Ke kwele morapeledi go tšwa go Ntwa ya Pele ya Lefase. Ba be ba lahletše . . .

¹³⁰ Boka Sathane mo mathomong, ge a etla ka serapeng sa Edene. O be a ka se kgone go tomola Dipeu tšela. O be a sa kgone go di senya. Eupša o di peitile ka mpholo, gomme o golofaditše Peu, ga se ya tšweletša mohuta wa yona wa paale. O golofaditše Peu ya setlogo.

¹³¹ Gomme seo ke se mananeo ohle a a bodumedi. Ba sa le barwa le barwedi ba Modimo, eupša e golofaditšwe. Ba ya kerekeng, ba nyaka go dira gabotse. Nun ga a tsene lefelong la dinun go ba mosadi wa sejato. Modiredi ga a ye sekolong feela go ba mo—mo—mo motho yo mobe. Ga nke o tšoena kereke, le go šikinya diatla, go bea leina la gago go puku, goba e ka ba eng o e dirago ka kerekeng ya gago, go ba motho yo mobe. O dira seo go ba motho wa go loka. Eupša ke phoro, ke kgolofalo yeo e e dirago. Sathane o e peitile. Le a bona? Modimo ga sa nke a ba le mokgatlo. Ga go na selo se se bjalo e ka ba kae se hwetšwago ka go Mantšu a Modimo.

¹³² Modimo ke mokgatlo wa rena, re kgatlofetše ka go Yena, Mmele, ka go Modimo, ka Legodimong. Yeo ke nnete. Maina a a rena a go Puku ya Bophelo ya Kwana. Hlokomelang.

¹³³ Eupša, le a bona, ke a tseba go thata kudu, eupša ke—ke nyaka le kgotlelele feela botelele gannyane ge le ka kgona. Mo nakong ya ntwa ya lefase... Ntshwareleng go tlogeng go thuto ya ka.

¹³⁴ Eupša go dira ntlha, ke—ke nyakile go le fa diphetleko tša se Sathane a se dirilego ka Edene: o peitile sepeiti sa mpholo wa go šiiša. A le ka rata go tseba se sepeiti sela se bilego? Nka kgona go le botša. Ke na le fomula ya sona, mantšu a mabedi: gosedumele, e lego kgahlanong le tumelo, o peitile gosedumele, pelaelo. Gomme saense e tladitše lefelo la sona. Moo mokoti o lego, fao go ile ka gare ga Peu, Sathane o tladitše mokoti ka tsebo le saense le tlhabologo, gomme e golofaditše ka moka, tlholo ka moka ya Modimo.

¹³⁵ Ke a tseba le nagana ke le bea godimo ga lekabe, eupša ke godimo ga lekabe le lena. Gomme bohle re fa go leka go hwetša se re ka se dirago. Ga re bolele dilo tšela go fapania. Re swanetše re botege.

¹³⁶ Rena, yo mongwe le yo mongwe, go tla bofelong bja tsela, moo re yago go ikarabela go lentšu le lengwe le le lengwe. Gonabjale, re a tseba gore mantšu a rena... Ge re belegwa, sello sa rena sa mathomo se sennyane sohle se ya ka go theipi. Se ya go bapalwa morago kua go Letšatši la Kahlolo. Ebile le diaparo o di aparago di tla bontšhwia selebaneng sa gago, kua go Letšatši la Kahlolo. Ebile le saense e hweditše seo, ka thelebišene. Le a bona, thelebišene ga e hlole seswantšho, e no se tšhanelia. Mmala wa diaparo, nako ye nngwe le ye nngwe ge o sepela, monagano wo mongwe le wo mongwe ka kgopolong ya gago, ka therešo o beilwe ka go rekoto ya Modimo. Gomme selo sela se segolo se tla

bewa thwi pele ga gago, ye nngwe le ye nngwe ya tšona diaparo tša ditšhila o di aperego; nako ye nngwe le ye nngwe o ilego lebenkeleng la rameriri, go kera moriri wola woo Modimo a go fago. Go ya go ba. O tla e arabela. O ka se kgone go dira mosepelo fale thwi, feela ebile le menagano ya pelo ya gago ge o e dira, e tla bapalwa thwi pele ga gago. O ya go phonyokga bjang? “Re tla phonyokga bjang ge re hlokonomologa phološo e kgolo bjalo?” Le a bona? Ga re ye go phonyokga. Mosepelo wo mongwe le wo mongwe, le megopolu ya pelo, e rekotilwe thwi ka go sekao se sengwe, ebile le mmala wa diaparo o di aparago. Thelebišene, thelebišene ya mmala e e netefatša ntle thwi, e e gogela ntle le go e bontšha, le a bona, gomme seo e no ba ka go sekao se sengwe go tloga go tše tharo re phelago ka go tšona. Le a bona?

¹³⁷ Bjale ka fao mpholo o rathilego kerekere, o rathile lefase! Mpholo wa Sathane godimo ga Dipeu, o beile mekoti ka go yona le go e dira e golofale. Bontši le bontši, o nweletša go teba ka dipelong tša dikerekere, le ka dipelong tša batho le se sengwe le se sengwe, saense, saense. Go fihlela e fetogile lefelo moo mohlobo wa motho, ka go tswakanya . . . Ke a dumela peu ye nngwe le ye nngwe e swanetše go tšweletša mohuta wa yona. Gomme moloko wa motho, le semela, le tšohle di tswakantšwe, go re tlišitše go lefelo; ka go jeng dijo tša rena go tšwa lefaseng, e lego, mebele ya rena, e dirile motswako, e beile menagano ya rena ka moka . . . Bjale, ge mebele ya rena e ewa, go tloga go bogolo bja mengwaga ye masomepedi go ya go masomepedi tlhano, ka lebaka la disele tša go fokola, ka dijo tša go tswakwa, a disele tša mabjoko a rena ga di fokole? A tše ga se disele, le tšona? Ke ka lebaka leo Ricky a kitima go kgabola mokgotha fa, ka tshipi ye ya go fiša; mola Ricketta, boElvitta, le ba bantsi ba bona, bjalo ka ge re ka ba bitša, ntle fa ba hlobotše seripa pele ga batho, tlhaologanyo e sepetše, ga ba sa na go nagana ka boitshwaro le maitshwaro.

¹³⁸ Go kanego ya ka ye nnyane. Morapeledi yo o rile o be a le tlase ka bookelong, gomme o rile bašemanne ba bantsi kudu ba robetše ka tenteng, bangwe . . . O be a sa tso tla go tšwa ka ntle. O rile o ile ntle fale, gomme moofisiri tsoko o mmoditše, o rile, “Morapeledi, re nyaka go ottelela ntle, go yo lebelela mašemo ntle fale.” Ba be ba fošeditše gase ye ya mastete le tloringe, bjalo ka ge ba dirile ka go ona matšatši.

¹³⁹ Gomme o rile, “Ke tšwetše ntle fale, Ngwanešu Branham,” o rile, “go be go se ne legatlapi go mohlare, go be go se lehlokwana la bjang. E be e le mosong wa Paseka.” O rile, “Go be go ne ditanka tša kgale tša matlhekge tlase fase, moofisiri o be a swanetše go ba le rekoto ya tšona, le go bona ge eba go ne sengwe se ka dirwago bakeng sa tšona, kgauswi le Sethokgwa kgolo sa Argonne.” O rile, “Ge ke be ke eme fale ke nnoši,” o rile, “Ke lebeletše godimo, ke rile, ‘O, Modimo, ye ke tsela yohle e yago go tla.’” Yeo ke nnete, yohle e a tla. Go be go swele gohle, go se bophelo e ka ba kae le gannyane, bjang bo swele; mohlare,

ka digase tšela, mehlare e bolailwe, se sengwe le se sengwe se bolailwe, se kobegile, se lekeletše tlase, moo dikolo le dilo di e gagamolotšego.

¹⁴⁰ Ge seo e se seswantšho sa lefase lehono, moo Sathane a peitago gosedumele ga gagwe, ka go tswaka ga gagwe, saense ya gagwe, tsebo ya gagwe! Go fihlela, se e bego e le mathomong, ge Modimo a bea Adama le Efa ka serapeng, paradisei yela ye botse ntle le lehu, ntle le bolwetši, ntle le manyami, le se sengwe le se sengwe ka lenaneong la go phethagala, lebelela se DDT ya Sathane e se dirilego! Ke tlhakatlhakano. Ga go na selo se tlogetšwego ka go yona.

¹⁴¹ O rile, “Ke thomile go lla. Ke sepeletše morago, ke gogilwe šedi ke leswika.” O rile, “Ke nno ya godimo fale le go lebelela leswika, ka le tokološa. Tlase ka tlase ga leswika go be go ne letšoba le lennyane le hloga, selo se mnoši se se phelago se šetšego, ka gobane se be se šireeditšwe ke leswika.”

¹⁴² Modimo, Leswika la ka, re šireletše lehono, O Modimo, ge mpholo ye e fofa gohlegohle ka leina la saense le thuto. Re šireletše. Mpoloke go fihlela letšatši leo, O Modimo, ke thapelo ya ka. [Yo mongwe mo sefaleng o re, “O se bee magomo afe a nako, Ngwanešu Branham.”—Mor.] Bjale ke a holofela gore rena, yo mongwe le yo mongwe, re ka tlase ga Leswika lela, Kriste.

¹⁴³ Ke sa tšo rera letšatši le lengwe, bontši bja lena le e kwele. Ke be ke eya tlase go kgabola dikgwa, ke tsoma, gomme ke gogilwe šedi go retologa. Gomme ke lebeletše, gomme fale go letše khathune ya go se be le selo ya sekerete goba sephuthelwana, goba se le se bitšago. Gomme ke khamphani, ga ke ikwele ke swanetše go bitša leina la bona, eupša khamphani ya motšoko e bile, ba ne selokene, “Mohlotlo wa monna wa go nagana, tatso ya monna wa go kgoga.”

¹⁴⁴ Ke thomile go sepelela tlase kgo—kgo kgole gannyane ka sekgweng, gomme Sengwe se nkgogile šedi, “Boela morago go phakete yela ya sekerete.”

¹⁴⁵ Ke naganne, “Tate wa Legodimong, ke ya tlase fale go mohlare wola moo dihlorana di boletšwego go ba gona ke Wena, mosong wo mongwe. Gobaneng O mpiletša morago?”

¹⁴⁶ Gomme Sengwe se rile, “O ne therò e tlago bakeng sa Lamorena. Sehlogo sa gago se ngwadilwe go yona.”

Ke naganne, “Go phakete ya sekerete?” Ke boetše morago.

¹⁴⁷ Gomme ke thoma go nagana, “Mohlotlo wa monna wa go nagana,” a phoro sela se lego! Ge monna a be a le monna wa go nagana, a ka se kgoge le gannyane. Eupša, le a bona, batho ba metša sela.

¹⁴⁸ Ke a dumela go bile mengwaga ye mebedi ya go feta, ge ke be ke le go ye nngwe ya dikhonferense, ke ile godimo go pontšho ya lefase ge e be e le ka Lebopong la Bodikela. Gomme

ba bile le seswantšho sa Yul Brynner le ba bantši ba bona fale. Gomme borasaense, bontši bja bona, ba be ba le ka holong ya go swana, ka ga kotsi ya go kgoga. Ka fao ba gogago muši wola go kgabola mabolo, gomme ba tšere ntlha-Q ye nnyane gomme ba tšere nikotine go tšwa fale le go e bea go mokolo wa legotlo, gomme ba le beile ka kheitšing, mo matšatšing a šupago o be a tletše ka kankere kudu o be a sa kgone go sepela. Le a bona? O rile... O e gogile go kgabola meetse.

O rile, “Mohlotlo!”

¹⁴⁹ O rile, “Mohlotlo? Ga go ne selo se se bjalo.” O rile, “O...” Bjale, ba ke saense ka bobona. Ba rile, “O ka se kgone go ba le muši ka ntle ga ge o na le sekontiri. Sekontiri se dira muši.”

¹⁵⁰ Gomme selo se nnoši e lego, ke go jabetša, go rekiša disekerete tše dintši. Ge wola, ge ke... Ga ke kgolwe le nagana ke nyefola goba lehlanya. Diabolo yola ka go motho, yoo a mo dirago a kgoge, go ipolaya yenamong. Ge a—a nyaka nikotine ya sekerete se setee, seo se tla tliša tlhologelo ya gagwe, bjale khamphani e tla le go jabetša mo ga go fora, le go re, “Mohlotlo wa monna wa go nagana.” O swanetše go kgoga disekerete tše nne goba tše tlhano, go dira sekontiri se sekaalo ka go wena (go mo kgotsofatša) bjalo ka ge o dirile ka se setee. Maamerika ba rekiša lehu go baena le dikgaetšedi tša bona! Ga ke e hwetše.

¹⁵¹ Eupša go le bjalo ka fale, ke naganne, “Go na le Mohlotlo wa monna wa go nagana woo o lokilego.”

¹⁵² Bjale ge monna a be a kgoga, elelwang, e tšweletša tatso ya monna wa go kgoga. Gona, ge o sa kgone go ba le... tlatša kganyogo ya muši go fihlela o hwetša muši ka fale le go hwetša... swanetše go tšweletša tatso. Kafao o kgoga disekerete tše nne, goba tlhano, gomme wa lefela bontši bakeng sa yona go feta o ka dira ge o nno kgoga sekerete se setee sa tlwaelo. Le a bona, ke go jabetša, go jabetša ga dithekišo; go foreng batho, Maamerika. Ge ke gopolka Valley Forge, George Washington; le pedi tharo ya masole a gagwe, gomme go se dieta dinaong tša bona, mo letšatšing lela la go tonya, go re dira ekonomi yeo re lego! Gomme morago Maamerika ba rekišetša Moamerika, ngwanabo le kgaetšedi, lehu, ka tlase ga go jabetša ga maaka, bakeng sa lehumo la ditšhila, modu wa bobo bjohle. Kganyogo ya tšelete, lerato. Selo ka moka se a gafa, ba sa tsebe gore selo se ka moka se tla senyega! Eupša ge o sa hwetše muši, o ka se be le tatso.

¹⁵³ Morago ke naganne, “Go na le Mohlotlo wa monna wa go nagana.” Mohlotlo wa monna wa go nagana! Gomme ke tšere sehlogo sa ka go tšwa go “Mohlotlo wa monna wa go nagana o tšweletša tatso ya monna yo mokgethwa.”

¹⁵⁴ Kafao ke naganne gore dikereke tša rena tša maina di dirile gontši ka moka go swana le seo, go tšeela batho ka gare le go ba bitša Bakriste seo se no ba ka tsela ye itšego. Gobaneng? Ba tliša

bontši ka gare ga kereke ya leina goba mekgatlo ya bona. Re tliša bontši ka gare ka fale ka gobane re ba dumelela ba etla ka gare ka tlase ga *se, seo, le se sengwe*, le e ka ba eng. “Seo ga se dire phapano e itšego, feela gore ba bea leina la bona mo pukung le go re ke bona Bakriste. Yeo ke phetho. Oo, ‘o pholosítše ka tumelo.’ O swanetše go dumela.” Diabolo o dira selo sa go swana. Ya.

¹⁵⁵ O swanetše go tswalwa gape, gomme seo se tla ka Mohlotlo wa Modimo! Bjale o na le Mohlotlo wa monna wa go nagana. Ke O swere ka seatleng sa ka. O ka se tšweletše tatso ya kereke ya leina, eupša ka therešo O tla kgotsofatša tatso ya monna yo mokgethwa, le a tseba.

¹⁵⁶ Mosadi wa moriri wa go kotwa a ka tsoge a kgona bjang go tla go kgabola Mohlotlo wo? Mosadi a apere dišothi a ka tsoge a kgona bjang go tla go O kgabola, goba dileka, mola Beibele e re, “Ke makgapha go Modimo, go mosadi go apara seaparo seo ebole se lego sa monna”? Gomme go kgonega bjang monna yoo a naganago e ka ba eng ka yenamong, a tšwele ntle fa le go apara boka basadi, a dumelela moriri wa gagwe go golela ntle boka mosadi, tlase ka mahlong a gagwe, ka maseka, le go tatagana ka tsela *yela*? Monna o apere diaparo tša mosadi wa gagwe tša ka fase. Mosadi o apere diaparo tša monna tša ka ntle. Mohlotlo wa monna wa go nagana? Monna wa go nagana a ka se dire seo, goba mosadi wa go nagana a ka se se dire. Lentšu la Modimo le ka se e dumelele e fete go kgabola.

¹⁵⁷ Ga go ne selo se setee se ka kgonago go feta go kgabola Lentšu lela. Woo ke Moya wo Mokgethwa, gomme O tliša Lentšu ka go wena, gomme O tšweletše tatso ya monna yo mokgethwa.

¹⁵⁸ Lebelela lehono, Ricketta mo mokgotheng, wa go ratega, ditho tše dibotse Modimo a mo filego, gomme Sathane a se šomiša. Gomme o apere bohlaswa, a sa tsebe gore beke go tloga lehono a ka no be a bola ka lebitleng.

¹⁵⁹ Go theogela tlase mokgotheng e se kgale botelele. Ke be ke rera ka khonferenseng ka go Assemblies of God godimo go Lebopo la Bodikela, ka kopanong ntle go Sekolo sa Beibele sa Southwestern. Mohumagadi yo monnyane a sepela tlase mmileng, ye nnyane... tšona diaparo tše nnyane godimo, dipikini, e ka ba eng le e bitšago, le merumo e lekeletše ntle, ka kefa ya lekhapoi le diputsu. Ke be ke eya godimo mmileng. Ke naganne, “Moisa yo monnyane wa go šokiša, ngwana wa mme le papa yo rilego, o beilwe fa go ba morwedi wa Modimo, gomme o fetogile sefu sa moreo wa diabolo.” Ke naganne, “Ke a dumela ke tla no retologa go dikologa le go ya morago, le go botša segotlane sela.” O bonagetše go ba e ka ba mengwaga ya Sarah wa ka fale, mengwaga ye lesomešupa, bogolo bja mengwaga ye lesometshela, goba se sengwe. Ke naganne, “Aowa, bokaone ke se ke. Ke tla no ya godimo fale mo mmileng le go mo rapelela.

Ge yo mongwe a mpone ke eme le go bolela le yena, bokaone ke se e dire.”

¹⁶⁰ Bjale, gomme theetšang, barwa ba Modimo, le fihla ka go lefelo la go swana, boIsabele ba ba letšatši ba bapalela go lena, eupša monna wa go nagana o tla nagana pele. A ka no ba botsana kudu, go ka no ba “Nka tsebalega ka yena,” eupša go tla go bitša soulo ya gago, mošemane; bangwe ba lena basetsana, go boRicky ba! Mohlotlo wa monna wa go nagana o tšweletša tatso ya monna yo mokgethwa.

¹⁶¹ Lena banna ba nyetšego, ge le bona bona basadi mo mokgotheng ka tsela yeo, lena barwa ba Modimo, a ga le lemoge se se diregilego mo mathomong a pele? Ge saense e dirile basadi botsana kudu ka go lefase pele ga meetsefula, go fihlela barwa ba Modimo ba tšere barwedi ba batho (e sego barwedi ba Modimo), gomme Modimo ga se nke a ke a e lebala. Ba sentše selo ka moka; saense, botsanabotsana. Go be go le... Le hlokomela bobotse bja basadi bo phagama mo matšatšing a mafelelo, ke leswao la bofelo; Modimo o e netefaditše. Kafao, šomiša Mohlotlo wa monna wa go nagana, o tla ba le tatso ya monna yo mokgethwa. Go tla go bitša legae la gago. Go tla go bitša maemo a gago. Go tla go bitša se sengwe le se sengwe o nago; ka ntle le seo, soulo ya gago! Go tla pšhatla legae la gago. Go ka no ba le monna yo mongwe a godiša bana ba gago, goba mosadi yo mongwe a godiša bana ba gago.

¹⁶² Go tsea Mohlotlo wa monna wa go nagana, go tla tšweletša tatso ya mosadi yo mokgethwa. Ge o tlogelela go lebenkele la rameriri, goba se sengwe gape, gomme ba a go botša, “O ya go ba le hlogo ya go opa, o a tseba.” Tsea Mohlotlo wa mosadi wa go nagana, se Beibele e se boletšego, o a bona, gona furalela kgole go tloga go yona. Le a bona? Le se ke la e dira.

¹⁶³ Ke nna ngwanabolena, gomme ke a le rata. Ga se gona ke nago kgahlanong le lena. Modimo o a tseba. Gomme seo ke se se ntirago ke bolele dilo ke dirago, ke ka lebaka la—la lerato la Modimo go lena. Ge monna a ka ya ntle fale gomme ba ka se go botše, modiša wa gago a go dumelela o dula tikologong le go itshwara ka tsela yela, ga a go rate. A ka se kgone go go rata. Nka se nyake mohuta wola wa lerato go lena basadi. Ke nyaka go ba le tatso ye kgethwa bakeng sa kgaetšedi wa ka. Ke nyaka yena ka kgonthe go ba kgaetšedi wa ka. E sego yo mongwe a ka rego, yo mongwe a bolela ka yena go beng botsana bjalo le ka fao a lego, le dikgošigadi tšela tša thobalano, “O ya go ya ka...” Huh-uh. Aowa. Ke nyaka yena mohumagadi!

¹⁶⁴ O Morena, mpoloke ka tlase ga Leswika. Ee. Ka go Baefeso 5:26, tsela e nnoši o ka kgonago go kgabola Leswika lela, yeo ke, “Go hlatswa ka meetse a karogano ka Lentšu.” Yeo ke nnete.

¹⁶⁵ Bjale, o se dumelele diabolo yo a go peita ka thuto ya gagwe. Aowa, aowa. E tla bolaya khuetšo ya gago. O se dumelele diabolo

go tsea seo, "Gabotse, ke wa kereke yela mme a bilego wa yona, yeo tate wa ka, koko wa ka." O se dumelele diabolo go go peita ka seo. Beibele e šetše e boletše, go Mabaka a Šupago a Kereke, le dilo fale, yohle e ile go peu! Ÿeo ke nnete. Selo ka moka se senyegile. Selo ka moka ke sešo sa go bola. O se mo dumelele a go peita, wa re, "Gabotse, ke boitshwaro bja godingwana. Re rutegile kudu go feta re be re le ka matšatšing a kgale." O se ke wa dumelela diabolo a bea sela godimo go wena. Ke le bontšhitše lenaneo la gagwe ka moka la tlhabologo, thuto le saense. O ne le yona thwi ka kerekeng, gomme o se ke wa theetša sela. Tloša hlogo ya gago ka ntle ga tšona dithelebišene tša kgale tša ditšhila le dilo!

¹⁶⁶ Gomme sehlogo sa rena se re, "Le se itshwantšhe, eupša ebang ba go fetolelwa." E sego go ya ka gare le go re, "Ke ile ka tuišetšwa, Lamorena." Aowa. Eya ka gare le go fetolelwa gonabjale, go fetolelwa go tloga go se o lego, go ya go se Modimo a go nyakago o eba.

¹⁶⁷ Bjale, go ya le gore ke mohuta ofe wa peu o lego go wena. Ge e le ya bohlale, peu ya thuto e beilwe ka go wena, go ne selo se setee e ka se dirago, go go golofatša, ke phetho, go morwa goba morwedi wa Modimo. Ke selo se nnoši e ka se dirago. Batho lehono, bjalo ka ge ke lebelela ntle, ba itshwara o ka re ebole ga ba dumele Modimo o gona.

¹⁶⁸ Ntshwareleng tlagišong ye. Ge maikutlo a e ka ba mang a gobaditšwe ke se, ga ke e re. Malamorena a mmalwa a go feta ke be ke laleditšwe, ke morwedi wa ka mong, go tla ka gare go sete ya thelebišene le go bogela mootepo wa sedumedi. Ke ka mosong wa Lamorena. Ke nyakile go kwa Oral Roberts mo go lenaneo la gagwe, ke ba boditše go ntira ke tsebe. O rile, "O kwa se, se ke sefela se segolo se opelago." Morwa wa ka a eme fale, o mpoditše ka lona, le yena. Gomme ke buletše sete yela . . .

¹⁶⁹ Re renta go mosadi yoo a nago le thelebišene ka ntlong ya gagwe. Ga ke tsoge ka ikemišetša go ba le e tee ka ntlong ya ka. Aowa, mohlomphegi. Ga ke nyake selo sela ka ntlong ya ka. Nka e rathaganya ka šotekane ya ka. Ga ke nyake selo go dira le selo sela se sebe. Aowa, mohlomphegi! Eupša tšere . . .

¹⁷⁰ Anke ke le botše ka ga lena Maarizona fa. Le bone diphetleko tšela letšatši le lengwe, ya dikolo, a ga la ka? Diphesente tše masomeseswai tša bana ka dikolong tša Arizona ba lwala ka go hlaetša monagano, diphesente tše masometshela tša bona e bile ka go lebelela thelebišene. Go reng ka seo?

¹⁷¹ Bokaone o šomiše šotekane ya gago! Le a bona? Bjale, le se dumelele diabolo go le peita ka sela. Aowa, mohlomphegi. Bjale batho, bjalo ka ge ke boletše, batho ba itshwara o ka re ga ba swanela go tla Kahlolong.

¹⁷² Bašemane le basetsana ba, ba bile le lapa le itšego la Maindia, le bontši ka moka bja selo. Ke a nagana moisa a

bitšwago Mna. Pool ke hlogo ya yona. Gomme ge eba nkile ka bona dikwero tša sebjalebjale tša difela, e bile ka tsela ye ba e swerego; sehlopha sa boRicky se eme fale, ba šikinya diatla tša bona godimo le fase.

¹⁷³ Ka nnete ke thabela lesogana lela fa mosong wo, yoo a opetšego, o bonagetše go hlweka, boka monna wa kgonthe. Ke—ke rata seo. Ge lena—lena borakgwebo nako ye nngwe fa le hwetša sehlopha se sa boRicky bao ba emago fa, gomme ba tshelatshela le go goelela, le go ya pele, le go swara mohemo wa bona go fihla ba le bolou mo sefahlegong; gomme seo ga se go opela, seo e no ba go hlaba lešata le lentši la saense. *Go opela* ke “melodi go tšwa pelong.”

¹⁷⁴ Gomme ke naganne, “A kwelobohloko! A dihlong e lego! Gore ka fao ka tlase ga leina la bodumedi, ba itshwara o ka re ga go ne Modimo!” Yo mongwe o rile, letšatši le lengwe, go mošemane yoo o sepelago le morwedi wa ka. Mošemane wa Mokriste o rile, a e fa polelo ya setswerere ka ga Adama le Efa, o rile, “Efa a sepela go kgabola serapa. O rile, ‘Bana, le bona mohlare wola fale?’ O rile, ‘Ke moo mmagolena a re llego go tšwa ntlong le legae.’” A le ka eleletša, a swanetše go ba Mokriste wa go kgwahla, yoo a ka go tšea tshepišo le Lentšu la Modimo le go e lahlela go hoko ya dikolobe! Ba itshwara o ka re ga ba swanela go tla Kahlolong. Eupša Modimo o tla tliša sephiri se sengwe le se sengwe Kahlolong. Ba itshwara o ka re ga go ne Modimo.

¹⁷⁵ Ga ke nyake go ba bitša setlaela, ka gobane Beibebe e rile . . . setlaela, ga se go loke. Jesu o rile ga se gona. “O se bitše motho setlaela.” Eupša ka go Dipesalome 14:1, “Setlaela se rile pelong ya sona, ‘Modimo ga a gona.’” Le a bona? Bona, bona ga ba . . . Ga ke nyake go ba bitša ditlaela, eupša ba itshwara o ka re ke bona. Ba itshwara boka sona.

¹⁷⁶ Kafao, o bona moo re lego lehono, go swana, “Modimo ga a gona.” “Ke wa kereke!” Gomme bona bohle, selo ka moka, Beibebe, ke motlae o mogolo. “Kereke ya rena e tseba moo ba yago!” Ya . . . [Ga go na selo lefelong la theipi—Mor.] . . . thwi ka go lokologa go ya heleng, tlwa. Mo tseleng ya bona thwi, tlase thwi go kgabola saense le thuto, diseminari tša thutamodimo le dilo, go no fokela thwi go theoga mmila. Moya wo Mokgethwa ga o na sekgoba go fa kutollo go go se be selo; seminari e šetše e e ripetše ntle.

¹⁷⁷ Moya wo Mokgethwa ke wa go re hlahlala; e sego seminari, e sego pišopo le bapotologi, le go ya pele. Moya wo Mokgethwa ke Moetapele wa rena.

¹⁷⁸ Kaine o be a le motho yo bjalo ka yoo. O be a le wa borapedi ka therešo. Bjale, ge bodumedi e le sohle seo o swanetšego go ba le, gona Modimo ga se a loke ka go ahlola Kaine. Ka gobane, o be a le wa bodumedi, o be a no ba wa bodumedi le go hlokofala bjalo ka ge Abele a bile. Bjale elelwang, o naganne

ka Modimo, o rapetše Modimo, o bile le kereke, o agile aletara, o dirile sehlabelo, o rapetše, o khuname, eupša o gannwe. Ga go tshwenye ka fao . . . Esau o bile, le yena. Le a bona?

¹⁷⁹ Bodumedi, le a bona, yeo ke taba ya Sathane; e sego go bolaya selo ka moka, eupša go no e kgotlela. Yeo ke phetho. Ga a ye go bolaya selo ka moka. Oo, e sego makomonisi; aowa, aowa, molwalekriste ga se bokomonisi. Beibele e rile, “E tla fora Bakgethiwa ge go be go kgonega.” Le se hlokomele garetene ya tshipi, eupša ye phepholo. Uh-huh.

¹⁸⁰ Eupša, hlokomelang, Kaine o tlie go rapela, eupša o bile peu ya go fošagala ka go yena, peu ya sephente. Go gwaša ga sephente go be go gwašitše godimo ga gagwe, ka gore o be a le peu ya mosadi. O tsebile thato ya Modimo ya go phethega, eupša o ganne go e dira. A le tseba seo? Sathane o tseba thato ya Modimo, eupša o no gana go e dira.

¹⁸¹ Hlokomelang, o be a bone Modimo a hlatsela molaetša wa Abele. Bjale ke nyaka le nagane, šomiša Mohlotlo wa gago wa monna wa go nagana bjale bakeng sa motsotso. Molaetša wa kgonthe wa Abele, woo Modimo a o hlatseditše go ba Therešo! A le a thala bjale? Uh-huh. Molaetša wa Abele o be o amogetšwe, gomme Kaine o e bone gomme o tsebile gore Modimo o hlatseditše molaetša wola gabotse. Eupša o nno se kgone go e dira. Boikgantšho bja gagwe bo mo thibetše go tloga go yona. Yeo ke nnete, boikgantšho bja gagwe bo mo thibetše go e direng. O bone Modimo a hlatsela molaetša.

¹⁸² Kafao go bonala go ba bjale, go thata kudu go batho go ikokobetša bonabeng go Lentšu la Modimo. Bona, bona ba no se nyake go e dira. Ba tla ikokobetša bonabeng go thutotaelo ya kereke, kgonthe, eupša e sego go Lentšu la Modimo.

¹⁸³ Ge le nyaka go hwetša se, le ya go . . . Ke swere Mangwalo fa, seo ke se ke bolelago ka sona fa. Genesi 4:6 le 7, Modimo o rile go Kaine, o rile, “Gobaneng sefahlego sa gago se wele? Gobaneng o tletše ka pelwapelwana, go sepela go rarela? O sa tšo kwa molaetša woo o go nyamišago.” O rile, “Gabotse, gobaneng o dira seo? Gobaneng difahlego tša lena di ewa, ka gobane ga se Ke tle ka kerekeng ya lena? Kafao gobaneng le e dirile?”

A o šomiša Mohlotlo wa gago wa monna wa go nagana? Le a bona?

¹⁸⁴ Goba, “Gobaneng le sa . . . Gobaneng le bogega ka tsela yeo?” O rile, “Ge o ka dira gabotse, eya go dira bjalo ka ngwaneno a dira ntle fale, Ke tla go amogela le go go šegofatša. Ke tla go direla selo sa go swana.” Eupša o nno se kgone go e dira. O rile, “Bjale, ge o sa dire, sebe sa gosedumele se letše mo lemating.”

¹⁸⁵ Bjale ge ba re botša, “Matšatši a mehlolo a fetile,” ba e bona ka phethagalo kudu e hlatseditše le go netefatšwa, le a bona, dilo tše tšohle tše Modimo a tshepišitše O tla di dira mo matšatšing a mafelelo, a Kutollo 10 le Maleaki 4, dilo tšela tšohle

di hlatseditšwe ka phethagalo kudu, bothata ke eng, baena? Phošo ke eng, le a bona?

¹⁸⁶ Ge ba sa dire; gosedumele, e lego sebe. Go na le sebe se setee se nnoši, seo ke, gosedumele. Yeo ke nnete. Ga o ahlolwe ka gobane o enwa, o kgoga, o sohla, o apara dišothi, o dira e ka ba eng o e dirago. Aowa, seo ga se go ahhole. Ke ka gobane ga o dumele. Ge o ka be o dumetše, o ka se dire sela. Le a bona? Modumedi ga a dire sela. O tšea Mohlotlo wa monna wa go nagana, le a bona, le a bona, goba Mohlotlo wa mosadi wa go nagana, goba ye nngwe. Go lokile. Eupša, le a bona, sebe se letše lemating.

¹⁸⁷ Bjale hlokamelang se seo se se dirilego go Kaine, gomme se ya go ba go swana lehono. Se dirile Kaine a ye kgole, modiradibe ka boomo. O bile go se obamele ka boomo. Motho yo mongwe le yo mongwe o tla ba ka tsela ya go swana. Go se obamele ka boomo ka morago ga ge a bone molaela wa Abele o hlatseditšwe kudu ke Modimo, gore e be e le therešo, gomme o ganne go e dira. O dirile sa go swana nako yeo. Nako yeo o tshetše mothalo wa go arola.

¹⁸⁸ Go na le mothalo o ka go o tshela. Le tseba seo, a ga le? [Phuthego e re, "Amene."—Mor.] Bjale, badiredi, bobedi fa le ntle ka go naga ya mo—mo mogala moo kgašo ye e tlago go kgabaganya setšaba, a le lemoga seo? Ge le bona ke Lengwalo, gomme ga o e dire, Modimo ka mehla a ka se . . . O tla . . . Oo, o tla ya pele, o šegofatše. Go bile bjalo ka yo mongwe le yo mongwe wa Israele, ba phetše thwi ka lešokeng, le go godiša bana, dibjalwa, gomme ba šegofatše, le se sengwe le se sengwe, eupša, "yo mongwe le yo mongwe wa bona Kagosafelego a arogantšwe go tloga go Modimo." Jesu o boletše bjalo. Oo, ee, Modimo o tla go šegofatše go ya pele, eupša o ile. Ka nnete. Seo ke se Beibele e se bolelago bjale, seo ke se A se boletše. Hlokamelang, o ka kgona go tshela mothalo wa go aroganya. A le dumela seo? ["Amene."] Kaine o dirile.

¹⁸⁹ A re—a re no phuthullang fa motsotso, ke swere Bahebere 10:26. A re boneng ge nka hwetše seo ka pela thwi. Puku ya Bahebere, tema ya 10 le . . . Ke a dumela, temana ya 26. Ke ne yona e ngwadilwe fa. Feela motsotso, ge le ka nkgotlelela, gomme a re no E bala motsotso. Go lokile, ke renab.

*Ka gore ge re dira sebe ka boomo ka morago ga gore
re . . . amogetše tsebo ya therešo, ga go sa ne sehlabelo
bakeng sa sebe,*

*Eupša go lebelela ga nnete ga go boifa ga kahlolo le
kgalefo ya go tuka, ye e tla metšago lenaba.*

¹⁹⁰ Yeo ke GO RIALO LENTŠU LE LEKGETHWA LA MODIMO. Ge re sa dumele ka boomo ka morago ga ge re Le bone le go Le kwa, gona re tshetše mothalo. Go ka se tsoge gwa ba tshwarelo gape bakeng sa yona, o tshetše mothalo.

“Oo,” o re, “Modimo o sa ntšhegofatša.” Oo, ya.

¹⁹¹ Gopolang Israele, bomabinagosolwa. Ge Modimo a ba file tshepišo, godimo ka go Naga ye Kgethwa; ka go naga, e be e lokile, ya maswi le todi. Gomme ge Moshe a rometše Kalebe le Joshua ntle, le dihlodi, go ya godimo le go hlola naga, gomme ba tlišitše morago bohlatse bja go hlatselwa.

¹⁹² Lesome la bona ba rile, “Re ka se kgone go e dira. Ga re kgone. Lebelela bothata fale. Re tla ba mahlanya. Re ne dilo tše tše nnyane nthatana go lwa ka tšona. Lebelela se ba se swerego. Rena, rena re ka se kgone go e dira. Ga re kgone go e dira.”

¹⁹³ Joshua le Kalebe ba rile, “Re feta go kgonia go e dira! Modimo o dirile tshepišo.”

¹⁹⁴ Gomme, elelwang, ba retologetše morago. Fao e be e le Kadese-banea. Gomme ba retologetše morago le go ba baneneri mo lešokeng. Gomme yo mongwe le yo mongwe wa bona o hwile, gomme o timetše Kagosafelego. Jesu o boletše bjalo.

¹⁹⁵ O se tshele mothalo wola wa go aroganya, le a bona. “Ge o tseba go dira botse, gomme wa se bo dire, go wena ke sebe.”

¹⁹⁶ Israele e dirile sa go swana. Ka morago ga ge ba bone Moshe a hlatseditše, gomme morago ba dumelela Biliama go ba peita, Peu yela ye bohlokwa e hlatsetšwego. Modisa, o se ke (wa tsoge) wa bolela selo kgahlanong le Lentšu le. Lebelela go Biliama, o be a le moprefeta, gomme o bone Peu ya Modimo e hlatseditše. Eupša ka tlase ga kerekere ya gagwe e kgolo ya leina yeo a phetšego ka go yona, Moaba o bone sehlopha sela sa baneneri ba etla go kgabola naga, o se peitile, gomme o rile, “Gabotse, ema motsots. Rena bohle re Bakriste. Rena bohle re badumedi. Gobaneng, botate ba rena le botate ba lena ba a swana. A ga re bana ba Loto? A Loto o be a se motlogolo wa Abraham? A ga re swane bohle? A re nyalaneng seng.” Gomme Israele, bjalo ka Efa ka serapeng sa Edene, e dumeletše Sathane a e peita, yena gape o peitile Israele ka moprefeta wa maaka. Mola, moprefeta wa kgonthe a be a ne bona, ka Lentšu le le hlatseditšwego. Eupša ka kelello ya tsebo ye bohlale, o ba peitile. Naganang ka yona. Bjale, ga se nke sa ke sa lebalelwaa, sebe ga se nke sa ke sa lebalelwaa.

¹⁹⁷ Dipeu di bodile thwi mo tseleng ya mošomo, mo mmileng go ya nageng ya tshepišo. Yo mongwe le yo mongwe wa bona o senyegile le go bola, thwi ka go lokologa mo kerekeng, mo mothalong wa mošomo, go late leng Modimo. Gomme ba dumelela Sathane go peita sepeiti sela sa bohlale godimo ga bona, sa thuto, kelello ya bohlale, ba re, “Gobaneng, bohle re a swana, bohle re bana ba Modimo.” Ga le bona! Eupša o dumeletše morutiši yola wa maaka fale go ba peita ka kelello yela ya bohlale yeo a bilego le yona ka Lona.

¹⁹⁸ Gomme feela bjalo ka Khansele ya Mokgobokano e dira gonabjale, le a bona, selo sa go swana, “Gobaneng, bohle re tšoenne mmogo ka go mokgatlo wo motee wo mogolo.”

Tshepedišo ka moka ya lena ya mokgatlo ke ya diabolo. Ke leswao la sebata, ka go Beibebe. Ke tla ba le puku go yona, ka pela gabotsana, Morena a ratile.

¹⁹⁹ Hlokamelang, mo nakong ya Noage, go boneng Lentšu le hlongwa, go phaphamala. Bjale a nke ke dire tshwao ye nnyane fa, Lentšu le beiwa mmogo bakeng sa go fetolelwa go tloga mobung go ya lefaufaung. Go boneng sebolepego sa selo; eupša ka kelello ya bona ya bohlale, ba segile selebaneng sa moprefeta, Noage, ge a be a profeta ka ga nako ya bofelo. Eupša se se dirilego... Sebolepego sela se dirilwe ka Lentšu la Modimo, se kgophilwe ka gare le ka ntle, ka thapelo le tumelo. Ge dipula di etla, dikelello tšohle bja bodumedi di hwile le go bola thwi ka go... thwi ka go dikereke tša bona, thwi godimo ga lefase. Gomme areka e phaphametše ka godimo ga tšohle. Peu ya saense e peitilwego e bodile thwi ka go kahlolo.

²⁰⁰ Re leka go dira eng, go le bjalo, a re leka go thea kereke ya rena goba a re leka go thea Lentšu la Modimo? Re leka go dira eng? Re šomela eng? A re leka go tliša batho morago ka go Le? Ke eng se Efa yo mogolo a lekago go se dira mo matsatšing a mafelelo, kereke ye Efa?

²⁰¹ Ke ya go swanelo go tlogela gonabjale, ngwanešu, ka gobane go ba—go ba thari kudu. [Ngwanešu o re, “Eya pele!”—Mor.] Nno mphang feela e ka ba bontši bja metsotso e lesomehlano, gomme ke tla emiša go Mangwalo a ka—a ka fa. [“Ka nnate, eya pele.”] Ya. Go lokile. Ke a tseba. Gabotse, batho ka kgonagalo ba nyaka go tsena ka fa le go hlwekiša ye. Eupša ke no bonala e ke go thata go nna go tlogela. [“Nno ya pele.” “Gabotse, ga go ne go potlaka.”] Ke tla potlaka. Go lokile.

²⁰² Lebelelang, yo mogolo wa saense, wa thuto, Efa wa go tswakwa lehono, a bitšwago kereke, o leka go dira eng? A o leka go phagamiša Lentšu la Modimo, gomme a dumelela batho go dira ka tsela ye ba dirago? Ga ba šomiše Mohlotlo wa monna wa go nagana, goba, Mohlotlo wa Modimo. Lebelelang se ba se tšweletšago. Ba a iphagamiša bonabeng. Kereke e, ka go peu ya yona ya go golofala ya tsebo ya lenaneo, e hloletše moloko ohle go ba go hloka tsebo ka sesaense ga Lentšu la Modimo. Bjale ke tla swara ditshwao tšela, ga ke ye go swarelala go tšona botelele kudu bjale, go ka fetša. Go hloka tsebo ka sesaense! Mola Modimo, thwi fa mo lefaseng, a dira dilo tše A di dirago, ka Lentšu la Gagwe la tshepišo, gomme ba a Le hlokonomologa le go sepelela kgole ka gobane ba hloka tsebo ka sesaense. Go hloka tsebo ka sesaense!

²⁰³ Ke be ke myemyela nako yeo ka lebaka la Ngwanešu Williams fa, o ngwadile godimo ga ntshetlana ya lephephe fa, “O ka no dula go yona morago ga sekgaleta sohle,” se sengwe. Eupša, ke thabela seo, seo ka kgonthe se lokile. Le a bona?

²⁰⁴ Eupša batho ba—ba dira sebe ka boomo. E tlišitše tshe-tshe tshepedišo ka moka ya kereke ya lefase lehono ka go sebe sa ka boomo kgahlanong le Modimo. Gobaneng, maitshwaro a tlwaelegilego a tla netefatša go lena gore Le lokile. Go lokile. Lešira la dikganyogo le foufaditše mahlo a gagwe, go Lentšu la Modimo, gomme o ikhwetša yenamong a hlobotše gape. Le a tseba, Modimo, ka go Kutollo 3, o rile, “Etla, reka setlotšamahlo go Nna, gore mahlo a gago a ke a buduloge.” Le a bona, setlotšamahlo ke Lentšu la Gagwe.

²⁰⁵ Le a tseba, ba re, “Gabotse, monna yo o ithutile mengwaga ye masomenne, go hwetša digrata tša gagwe. Yena ke B.L.D., D.D., le sohle se.”

²⁰⁶ Le tseba se Jesu a se boletšego ka seo? O rile, “A nke motho a ikgane yenamong.” Paulo o dirile.

Le re, “Seo ga se re seo.”

²⁰⁷ Gabotse, gobaneng Paulo a e šetše morago, gona? O rile, “Ga se nke ka tla go lena ka mantšu a go goketša a bohlale bja motho, ka gobane le ka aga dikhofelotša lena godimo ga seo. Eupša ke tla go lena mo maatleng le diponagalang tša Moya wo Mokgethwa, gore lentšu la lena le be . . . tumelo ya lena e ke e agwe godimo ga Lentšu la Modimo, e sego diponagalang tša bohlale.”

²⁰⁸ Go bonala eke batho ba lahlegetšwe ke maitshwaro a bona a setlwaedi le bobotse. Ga ba swane le ge ba be ba le. Go be go le, ge moprofeta a rile, “GO RIALO MORENA,” batho ba thothometše. Ya, ka mnene ba dirile. Batho ba ūrašurile, ka gore ba be ba tšhogile. Eupša bjale ba lahlegetšwe le letšhogo lohle la bona la Yona. Ga ba boife Modimo.

²⁰⁹ Salomo o rile, “Po—po poifo ya Modimo ke mathomo a bohlale,” feela mathomo a bjona.

²¹⁰ Eupša moprofeta a ka bolela GO RIALO MORENA; batho ba re “ditšiebadimo!” Le a bona, ga go ne kholofelo go bona. Ke, ba re, “Gobaneng, re ditswerere. Re ba bohlale, ga ra swanelo go tšeа mohuta wola wa selo! Re tseba se re bolelago ka sona!”

²¹¹ Gape ke seema sa kgale, gore, “Ditlaela di tla sepela ka dieta tša go tsatsampela, moo Barongwa ba boifago go gata.” Nnene.

²¹² Bjale, phetolelo ke eng? (Ka pela.) Re e hwetša bjang? Phetolelo e dira eng? Modimo o e dira ka Moya wa Lentšu la Gagwe. O a fetolela. O bjala Peu ya Gagwe, a fošetša Moya wa Gagwe go Yona, gomme E tšwelešta setšweletšwa. Moya wa Gagwe wo Mokgethwa o fetolela Peu Lentšu ka gare go hlatselwa ga mohuta wa yona.

²¹³ Ke mohuta ofe wa peu o lego, yeo e laetša se se lego ka go wena. O ka se kgone go e uta. E ka ba eng e lego ka gare, e laetša bokantle. O no se kgone go e tloša go yona. O ka se kgone go dira mohlare e ka ba eng eupša se o lego. Le a bona, go ya—go ya go ba

ka tsela yeo. Moya wo Mokgethwa o fetolela dipeu tšeо di lego ka gare ga yona. Ga go kgathale ke mohuta ofe wa peu e lego, O tla e fetolela. Ge e le e mpe, e tla tšweletša bobe. Ge e le moikaketši, e tla tšweletša moikaketši. Ge e le Lentšu la Modimo la mmapale, e tla tšweletša morwa goba morwedi wa Modimo wa mmapale, ka Mohlotlo wa monna wa go nagana. Ge Peu e etla godimo, etla go kgabola Seo, E tšweletša morwa le morwedi wa Modimo.

²¹⁴ Letšatši le lengwe ge lefase le letše ka go leswiswi la tlhakatlhakano, Modimo... Bjale theetšang kgauswi, ka gobane ga re ye go bolela... feelsa botelele gannyane nthatana. Lebelelang. Letšatši le lengwe ge lefase gape le bile ka go mehuta yohle ya mabodumedi, go hlatswa diatla, dipitša, go apara diaparo le diponete tša go fapano, le go ya pele, le letše mo bogareng bja tlhakatlhakano ya go šiiša. Israele ya Modimo ya mmapale e be e fapogile kudu go tloga go melao le ditaro tša Modimo, Jesu o rile, "Lena, ka metlxae ya lena, le dira Lentšu la Modimo go hloka maatla go batho, ka metlxae ya lena." Gomme lebelelang bona baprista ba bakgethwa, ba ba bitša; gomme Jesu o rile, "Lena le ba tataweno, diabolo, gomme mediro ya gagwe le a e dira." Le a bona, seo ke tlwa se A se boletšego.

²¹⁵ Bjale ge lefase le letše ka go mohuta wola wa seemo, Moya wa Modimo o sepetše godimo ga Peu yeo e kgethetšwegopele. O fetolela Jesaya 9:6 go tshepišo ya Lona; Yena, Modimo, o be a dirilwe nama ya motho, go phološa nako yela ya tlhakatlhakano. Ge motho a be a dirilwe mo seswantšhong sa Modimo, fa Modimo o a tla, ka moprofeta e bonelapele... Bjale elelwang Lentšu, moprofeta o e bonetšepele, feelsa moprofeta wa go swana yoo a bonego Sathane mo matšatšing a a mafelelo, le a bona, a lenaneo le la tša thuto le dilo a nago, lenaneo la bodumedi. Moprofeta wa go swana, Jesaya 9:6, o rile, "Re tswaletšwe Ngwana, re neilwe Morwa, gomme Leina la Gagwe o tla bitšwa 'Moeletši, Mokgoma wa Khutšo, Modimo yo Maatla, Tate wa Gosafelego.' Gomme go pušo ya Gagwe go ka se be le bofelo." Gomme Lentšu lela ke Lentšu la Modimo. Gomme Moya o sepetše godimo ga Lentšu lela, gomme Le bopile ka go popelo ya kgarebe; Motho, "Morwa o tswetšwe," e sego go hlolwa, "go tswalwa."

²¹⁶ Sathane o lekile gomme o lekile gape, go E peita. O Mo išitše godimo gomme a re, "Ge O le se O rego O sona, gona ntirele ye nngwe ya diphodišo tše fa. Mpontšhe ka fao O kgonago go e dira. Fetola le, borotho, le matlapa a go ba borotho. A nke re Go bone o tšeа go thinya, ka gobane Lengwalo le re O tla e dira."

²¹⁷ Le a bona matimone a bodumedi lehono a sa bolela selo sa go swana? "Ge go ne selo se bjalo ka phodišo Kgethwa; fa go robetše Ngwanešu *Semangmang*, a re go bone o mo fodiša."

²¹⁸ Diabolo yola wa go swana o eme sefapanong sa Jesu, o rile, "Ge O le Morwa wa Modimo, fologa go tloga sefapanong."

²¹⁹ Lentšu le rile O be a le Morwa wa Modimo. Moya o netefaditše O be a le Morwa wa Modimo. Jesaya 9:6 e phethagaditšwe. Gomme bošego bjo bongwe, bontši bja lena ka go kgašo le kwele ka fao gore re file Mangwalo a rilego a masometshela le metšo tsoko, go nyakile, ke a dumela, ka go netefatša gore Lengwalo le boletše gore Yoo e be e le Yena.

²²⁰ Oo, Sathane o lekile gomme o lekile gape, go dira se sengwe le se sengwe. Bošego bjo bongwe, a robetše ka morago ga sekepe, o Mmone a robetše. Gomme o rile, “Ke tla Mo senya gonabjale.” Eupša ga se a kgona.

²²¹ O lekile go Mo leka go direng selo sa phošo, eupša ga se a kgone go e dira. Gobaneng? O be a peitilwe ka sethibidi sa kgethelopele. Se ka se forwe. Aowa, aowa. Lentšu le rile O tla ba fa. Amene. Ga go ne diabolo a yago go Mo tshwenya, gomme ga go morwa yo mongwe wa Modimo, yoo a kgethetšwegopele go tšeа sekgoba sa gagwe. O peitilwe ka sethibidi. Mpholo wa Sathane, dingaka tša kereke ya leina ebile ga ba Mo kgwathe le gannyane. O sepela thwi mmogo, ga se gona se yago go Mo tshwenya, le a bona. Ga se e be le seabe se itšego godimo ga Gagwe.

²²² “Gabotse, ke tla Go dira pišopo ya lefase lohle. Ke na le pušo godimo ga lona. Ge O ka no nkhunamelā, tla o tšoene sehlopha sa ka, ke tla—ke tla Go dira mmuši. Ke tla fologa, ka Go iša godimo.”

²²³ O rile, “Tloga morago ga Ka, Sathane. Go ngwadilwe, ‘O tla khunamelā Modimo, Lentšu, gomme Yena a nnoši o tla mo direla.’” Morago letšatši le lengwe . . .

Go Motho yo mogolo yo, ke tla rata go dula fale sebakana.

²²⁴ Eupša letšatši le lengwe, Moya o sepeletše godimo ga Gagwe gape; ka gobane go be go na le Lentšu le lengwe le be le ngwadilwe ka ga Yena, le etšwa go Modimo, ka moprofeta, “Gomme O ile a hlahlwa go ya tlhabong, bjalo ka kwana.” Gomme Moya o sepeletše godimo ga Gagwe, gomme o Mo hlahlile, gomme o Mo rometše sefapanong sa Khalibari. Fao O hwile. Gomme se sengwe le se sengwe seo se boletségo ka Yena ka go lehu la Gagwe, se phethagaditšwe, go tliša Seetša le Bophelo go yohle Peu ya Modimo e kgethetšwegopele yeo e bego e le godimo ga lefase. O tlišitše tsela ya go e dira. Peu še, Moya o tliša Bophelo; go fetolela barwa le barwedi ba Modimo, go tloga go lefase ka go tlhakatlhakano ye ya leswiswi, ka go beng barwa le barwedi ba Modimo.

²²⁵ Le se thetšwe go lentšu le “kgethelopele.” Ke a tseba le a dira. Eupša, theetsang, Lona ga se lentšu la ka. Lona ke le lengwe la Mantšu a Modimo. O nyaka go e bala, bala Baefeso 1:5, yeo, “O re kgethetšepele go beweng ga barwa ka Jesu Kriste.” Le a bona?

²²⁶ Feela a nke ke no e roba motsotso, feela motsotso, go roba se ka monaganong wa lena. Lebelelang. Feela bjalo ka ge o be o le ka go tatago, mo mathomong, peu tlhako. A o tsebile

seo, yo mongwe le yo mongwe wa lena? O be o le ka go rakgolokhukhu khukhu khukhu, gape, a o tsebile seo? [Phuthego e re, "Amene."—Mor.]

²²⁷ Bala Puku ya Bahebere, moo gore re hwetša gore Lefi o lefile karolo ya lesome ge a be a le mo mathekeng a Abraham, meloko ye mene ka morago ga gagwe. Ge Abraham a lefile karolo ya lesome go Melekitsedeke, go ile gwa balelwa go motlogolokhukhu khukhu khukhu fase ka tlase ga gagwe, gomme o be nako yeo a le ka mathekeng a Abraham. Ke lena bao. Le a bona?

²²⁸ O be o le ka mathekeng a tatago, eupša tatago ga se a kgone go kopanela le wena go fihlela o fetogetše ka go mmele wa nama.

²²⁹ Morwa wa ka fale o be a le ka go nna. Ke—ke—ke nyakile morwa, eupša o be a le ka go nna nako yeo. Le a bona? O be a le ka go nna nako yeo. Eupša ka lenyalo, o ile a fetolelwa ka go motho bjalo ka nna, gomme gona o bile bjalo ka nna.

²³⁰ Gomme o ba bjalo ka batswadi ba gago, le a bona, ka gobane go be go le ka go wena, le go thoma. Bjale ge re le barwa ba Modimo, ditholanakgopoloo tša Gagwe... Tšeо, o tholanakgopoloo ya tatago, e sego mmago; tatago. Tlhako e letše ka go tate. Le a bona? Gomme bjale mmago o be a le sephaphaši seo se go rwelego, go rwala peu ya tatago. Le a bona?

²³¹ Gomme lefase, ka nameng, gape ke sephaphaši seo se rwelego peu ya Modimo. Le a bona, feela tlwa. E sego lefase, ka fao lefase le lego le legolo ka gona; ke bogolo bjang bja Modimo a le dirilego. Le a bona? Le a bona?

²³² Bjale ge o le morwa le morwedi wa Modimo, gona o be o le ka go Modimo mo mathomong. Wena o tholanakgopoloo ya Gagwe. Ge o be o se fao nako yeo, gona ga se nke wa ke wa ba goba o ka se tsoge wa ba.

²³³ Nnete, nka se kgone go rwala, go tšwa mathekeng a ka, morwa wa monna yo *fa* goba monna yola *fale*, nka kgona feela go rwala barwa baka mong, gomme ba tla rwala go swana le nna. Haleluya. Le a e bona?

²³⁴ Barwa le barwedi ba bile ka go Modimo mo mathomong. Bjale lebelelang. O na le Bophelo bjo Bosafelego, o a bolela. Re a e dumela, gore re na le Bophelo bjo Bosafelego. Gabotse, go na le sebopego se setee se nnoši sa Bophelo bjo Bosafelego, gomme seo ke Modimo. Seo ke selo se nnoši seo se lego Kagosafelego, ke Modimo. Gona ge o na le Bophelo bjo Bosafelego, Bophelo bjoo bjoo bo lego ka go wena ka mehla bo bile, gomme o be o le ka go matheka a Modimo pele ga ge ebile go bile le lefase. Gomme ge Lentšu Lonamong... Jesu Yenamong o bitšwa Lentšu, gomme ka go Mokgethwa Johanne 1, e rile, "Mo mathomong go be go le Lentšu, gomme Lentšu le be le le le Modimo, gomme Lentšu le be le le Modimo. Gomme Lentšu le ile la dirwa nama le go dula magareng ga rena." Gona o be o le mathekeng a Jesu, gomme

o ile Khalibari le Yena. O hwile le Yena, gomme o tsogile le Yena. Gomme lehono re dutše mafelong a Legodimong le Yena, re tladišwe ka Moya wa Gagwe, barwa le barwedi ba Modimo. Hwa le Yena, re tsogile le Yena. Kgonthe.

²³⁵ Bjale gona, bjale, bjale o kgona go kopanela le Yena. O be o sa kgone morago fale, ka gobane o be o no ba Lentšu ka go Yena, peu. Eupša bjale O go bonagaditše, gomme bjale O nyaka o kopanela le Yena. Kagona O theogetše fase, a dirwa nama gore ka phethagalo A kgone go kopanela le wena. Le bona kopanelo ya phethagalo? Oo, nna, tšona diphiri tše di tebilego tša Modimo! Ka fao di makatšago! Le a bona, Modimo ga a kgone go kopanela ka Moyeng, kafao Modimo o bile motho le rena.

²³⁶ Jesu Kriste o be a le Modimo Yenamong, a bonagaditše, ka gobane, O be a le Morwa ka gobane A be a tswetšwe, eupša e be e no ba tabarenekele go Yena go phela ka go yona. “Ga go motho a bonego Modimo le neng, eupša Motswalwaeši wa Tate o Mo tsebagaditše.” Modimo o ikagetše ntlo Yenamong, mmele go dula ka go ona, go theogela fase gore o kgone go Mo kgwatha. Timotheo wa Pele 3:16, “Ntle ga phegišano, sephiri sa bomodimo ke se segolo; ka gore Modimo o bonagaditše ka nameng, o bonwe ke Barongwa, a dumelwa, o amogetšwe godimo ka Legodimong.” Le a bona? Bjale O . . .

²³⁷ Wena go beng nama, gomme Yena go beng nama, kagona o kgona go kopanela bjale, ka gobane O be a le tholanakgopolو ya Modimo ya lerato. Modimo ke lerato. A yeo ke nnete? Gomme Jesu o be a le tholanakgopolو ya Modimo ya lerato. Gomme ge tholanakgopolو ya lerato e pealaditswe, yeo, yeo e be e le Modimo Yenamong; ditholanakgopolو tšohle tše di lekeletšego go Yena, di tla go Yena, “Bohle Tate a Mphilego, ba tla tla go Nna.” Kgonthe, ba swanetše go kgethelwapele. Ge go be go se, o ka se be gona. Seo ke phetho. Ka nnete.

²³⁸ Bjale re ka kopanela, e bile ka ma—ma mahumo a Lentšu la Gagwe, gomme ka go ao o lego karolo ya ona. O karolo ya Lentšu; ka gobane O be a le Lentšu mo mathomong, o Lentšu bjale. Le a bona? Ke a rera bosegong bjo, goba Lamorena goba le lengwe la matšatši ge ke tsena, ka se Lentšu le lego, le a bona. Gomme bjale o karolo ya Lentšu.

²³⁹ Theetsang. Go na le selo se tee nka se kgonego go se dira. Nka se ikgantše ka bomakgolo ba ka. Aowa, ke tla ka togotogo ya go šiiša. Tate wa ka o be a le monna wa Moirish. Mme wa ka o be a le moskou wa Moindia, Moindia wa seripa; mmagwe o be a le Moindia, o gotše phenšene. Bjale, bohle ba bona, ditagwa, bontši bohle ba bona ba hwile ba rwele dieta, ba elwa, balwi ba dithunya, le go ya pele. Nka se ikgantše ka selo ka seo, ka gobane bomakgolo ba ka le mohlare wa lapa la gešu o a šiiša.

²⁴⁰ Eupša, ngwanešu, go na le selo se tee nka go ikgantše ka sona, nka ikgantše ka Morena wa ka Jesu Yo a ntopolotšego.

Gomme ka maatla a Gagwe a go fetolela o bjetše peu, ka kgethelopele, gomme ke E bone. Ke morwa wa mang bjale? Ya. Nka ikgantšha ka Yena. Gomme ke tšere mengwaga ye masometharo tharo ya bophelo bja ka, ke ikgantšha ka Yena. Ge A ka mpoloka mengwaga ye mengwe ye masometharo tharo, ke tla leka go ikgantšha ka Yena kudu. Le a bona? Nka se ikgantšhe ka Makgolo wa ka, haleluya, Yo a ntopolotšego le go bjala peu ya Bophelo ka *fa*, le go nttheošetša fase godimo ga Lentšu le, o rometše fase Moya wa Gagwe gomme o rile, “Wona šo. Bolela *se*, gomme se tla direga. Dira *seo*.” Gomme oo, nna, nka ikgantšha ka Yena! Oe dirile bjang? Ka tlhatso ya meetse ka Lentšu, meetse a karogano. Ke duma re ka e hhalosa.

²⁴¹ Badumedi ba therešo ba go kgethelwapele ba tla dula le Lentšu ka gobane ke bona karolo ya Lentšu leo.

²⁴² Oo, dinaledi tša go tsekella, le tla makala botelele gakaakang? Lena Mamethodist, Mabaptist, Mopresbyterian, bakantle, e ka ba eng o ka bago, dinaledi tša go tsekella, go tloga kerekeng go ya kerekeng, go tloga koteng go ya lefelong, le thelebišeneng go ya go thelebišeneng, lefaseng go ya lefaseng, gobaneng le sa tle pele? O hlologelwa go kopanela le lena. O go hlologetše. O nyaka go go fetolela ka go mpshafatšwa ga monagano wa gago, e sego go kereke goba go kereke ya leina, eupša go Lentšu la Gagwe, leo, o karolo ge tlhologelo yeo e le ka go wena.

Ba lehlogenolo ke bona bao ba sverwego ke tlala le go nyorwa bakeng sa toko: ka gore ba tla tlatšwa. (Le a bona? Uh-huh.)

²⁴³ Gomme e rometše maatla a Gagwe a go fetolela, go go ntšhetša ntle ga kgolofalo ye ya bodumedi yeo o lego ka go yona. Ka go kgolofalo ya tlhakatlhakano yeo o lego ka go yona, Modimo o rometše maatla a Gagwe a go fetolela, Lentšu la Gagwe, le hlatseditšwe, le netefaditšwe, go go ntšhetša ntle ga kgolofalo ye ya bodumedi ya go hloka tsebo yeo o sepelago ka go yona, “o hlobotše, o foufetše, o šokiša, gomme ga o tsebe.” Naganang ka yona, bagwera.

²⁴⁴ Le a tseba, Modimo o rometše maatla a Gagwe a go fetolela go phethagatša Lentšu la Gagwe, gomme o fetotše mmele ka moka wa Sarah le Abraham. Go fetolela mokgalabje le mokgekolo, ka gobane O tshepišitše O tla e dira.

²⁴⁵ Gomme se Modimo a tshepišago go se dira, seo O tla se dira. Ga go na selo, e ka ba eng... Selo sefe se fapogilego, Modimo a ka se dire selo ka sona. Eupša O tla boloka Lentšu la Gagwe, gomme O tla romela Moya wa Gagwe! “Nna Morena ke E bjetše. Ke tla E nošetša mosegare le bošego, gore go se be le yo a tla e ubulago go tšwa seatleng sa Ka.” Beibele e boletše seo.

²⁴⁶ Oo, dinaledi tša go tsekella, lena ba tlhologelo ka pelong ya lena! Le swanetše go ba le yona, goba le be le ka se dule fa mosong

wo. Gomme le be le ka se be ka go dikereke tšela le diotitoriamo, le dilo le lego ka go tšona, ntle le go kgabaganya naga, ge Sengwe se be se se sa le tliša ka fale. Motho tsoko o boletše le lena. Se yeng bokgole bjo itšego. Go ne tlhatso ya meetse ka Lentšu, yeo e tla le dirago bošweu wa leswele. Oo, barwa ba Modimo, theetšang! Le se dule ka go kgolofalo yela. Tšwelang ntle ga yona. Abraham o dumetše Modimo, le go bitša e ka ba eng kgahlanong le . . .

²⁴⁷ O re, “Ke tla kgonas go iphediša bjang? Ke tla kgonas go dira se bjang?” Yeo ke taba ya Modimo. “Ke tla ba bjang? Badirišane ka nna ba tla ntlhanogela.”

²⁴⁸ Modimo o rile, “Yo a tla tlogelago tatagwe mong, mme, mosadi, monna, magae, dintlo; Ke tla ba fa magae le dintlo, Ke tla ba fa botate le bomme, le banababo le dikgaetšedi, ka lefaseng le, le Bophelo bjo Bosafelego ka go lefase le le tlago.” Ke tshepišo, mogwera. Yeo, oo, yeo e swanetše go nošetšwa! Tshepišo ye nngwe le ye nngwe Modimo a e dirago e a phethagala. Peu ye nngwe le ye nngwe ya Modimo ke tshepišo.

²⁴⁹ Gomme, kgaetšedi, lesa go kota moriri wa gago, ka gobane ke selo sa go se amogelege pele ga Modimo. Tlogela go apara diaparo tšela, ke makgapha go Ŷena!

²⁵⁰ Lena banešu, lena banna, lesang go thekga dikereke tšela tša maina, ka go direng dilo, le go dumelela basadi ba lena go dira dilo tše bjalo. Ga go amogelege go Bakriste.

²⁵¹ Boang morago go Lentšu! Tšeang Lentšu lela, Le tla gola. Le swanetše go gola. Maatla a Modimo a go fetolela ao a Le tlišitšego mo mathomong, O no ba a le tseleng ya Gagwe go bowa, go Le tšeela morago gape. O ya thwi morago gape go moo a bego a le.

²⁵² Henoge o ile a fetolelwa, go tloga lehung, ka maatla a Modimo a go fetolela. Modimo o diretšeng seo? Bakeng sa sekai sa Kereke ya go hlatloga yeo e tlago. Ya. Eliya o bile go swana.

²⁵³ Mmele wa Jesu o phedišitšwe ka morago ga ge o hwile. Gomme ka lebitleng, mmele wa Jesu o phedišitšwe ke Lentšu la Modimo; le go fetolelwa, go tloga go wa go hwa, seswantšho sa go tonya, go wa go tsošwa, Morwa wa Modimo a tagafaditšwego. Ka gobane moprofeta, Dipesalome 16:10, ge le nyaka go e ngwala, 16:10, e rile, “Nka se tlogele soulo ya Gagwe ka heleng, ebile Nka se lese Yo Mokgethwa wa Ka go bona go bola.” O Modimo!

²⁵⁴ Lentšu lela le swanetše go phethega, Ke Lentšu la Modimo! Bjala Lona ka pelong ya gago, ge o nyaka go tsena ka go Tlhatlogo. Ge le nyaka go ba Bakriste ba mmapale, beang Lentšu le. Bjalo ka ge ke dumela e bile Hesekiele, Modimo o rile, “Tšeа sekorolo sela gomme o se metše,” gore moprofeta le Lentšu ba be ba go swana. Gomme tshepišo ye nngwe le ye nngwe ka fale e swanetše go bonagatša yonamong, ka gobane ke Peu ya Modimo ya setlogo. Le se ke la dumelela moithutamodimo tsoko wa go rutega ntle fale a leka go Le pompela ka ntle ga lena. Le se ke

la mo dumelela a le peita ka saense le tsebo yela ya senama, le thuto. Dumelang Modimo!

²⁵⁵ Abraham ga se a tšee diphatišo tša saense tša letšatši la gagwe, a re, “Ke tšofetše kudu go ba le lesea, ke ile kgole kudu. Ke dirile *se, seo, goba se sengwe.*” Eupša o biditše e ka ba eng yeo e bego e le kgahlanong, le Lentšu la Modimo, bjalo ka ge e ke ga e gona. Gomme ga se a thetherega go tshepišo ya Modimo, ka gosedumele; eupša o be a tiile, a efa Modimo tumišo. O tsebile gore Modimo o be a kgona go phethagatša seo se A se tshepišitšego.

²⁵⁶ Oo, barwa ba go tsekella, ba golofaditswe ke metangtang ya lefase le! Bokgaetšedi ba go tsekella, bao mafelo le difešene tša lefase le di le gogilego! Gomme, morategi kgaetšedi, o ka no ntšea go ba mokerenke wa kgale, eupša le lengwe la matšatši a ge o kopana le se Florence Shakarian a kopanego le sona bošego bjo bongwe; o dutše ka kamoreng ye, le yena, ka go lefelo le, bjalo ka ge le tseba. Ge o kopana le sela, o tla hwetša gore, e sego nna, eupša Lentšu le le nepile. Eba kgole le mabenkele ale a rameriri, mabenkele ale a fešene. E ba kgole le dilo tšela.

²⁵⁷ O re, “Gobaneng o sa ba ruta dilo tše kgolo, go ba *se bjang?*” Nno thomang ka diABC tša lena, gomme morago re tla tla go dipalo. Le a bona? Nno thoma go ithuta, “se e lego tirelo ya gago ya go kwagala.”

Ke a le kgopela ka gona, baena, ka dikgaogelo tša Modimo, gore le tliše mmele wa lena sehlabelo se se phelago, se sekgethwa, le se amogelegago go Modimo, se e lego tirelo ya lena ya go kwagala.

²⁵⁸ Le no dira “tirelo ya lena ya go kwagala,” Modimo o tla hlokomela ka moka ga yona; le a bona, feela go beela dilo mabaka gore o ka kgona go bea mabaka wenamong gomme wa dira. A ga se yona... A ga se go se kwagale go mosadi go itlhobolela fase yenamong, gomme a tšwela ntle fa a itshwara ka tsela yeo, mola Beibele e e sola? A ga se go se kwagale go monna go itahlela yenamong ka go thutotumelo bjalo ka ge re na le lehono, le selo se sohle fa, le selo sohle se sa seminari, le selo boka seo, mola ka nnete go le kgahlanong le Lentšu la Modimo? Le a bona?

²⁵⁹ Dipounama tša Jesaya, o be a no ba monna wa tlwaelo wa dipounama tša go se hlweke. O rile, “Morena, ke magareng ga batho ba go se hlweke, gomme ke na le dipounama tša go se hlweke. Ke wa madimabe ka gobane ke bone Modimo.” Gomme Morongwa o theogetše tlase, a tše Mollo, Mollo wo Mokgethwa go tloga aletareng ya Modimo, gomme o fetoletše dipounama tša gagwe; go tloga go dipounama tša monna wa go tsekella, go ya go dipounama tša moprefeta ka GO RIALO MORENA. Maatla a Modimo a go fetolela!

²⁶⁰ Batheadihlapi ba lekgolo le masomepedi, le—le barekiši ba bannyane ba kgale ba moretele, ba basadi, le bale ba bothanego

bonabeng ka phapošing ya ka godimo gomme ba tswaletše mabati, ba bangwe ba bona ba se ne thuto ya go lekanelo go saena maina a bona beng. Modimo o ba fetoletše go tloga go batheadihlapi, go ya go bathei ba batho; go tloga go banna le basadi mo mokgotheng, go ya go bakgethwa ba Modimo, go se hwe. Maatla a Modimo a go fetolela!

²⁶¹ Paulo, moleloko wa kereke wa selegae, Mopresbyterian, Momethodist, Mobaptist, Mopentecostal, goba se sengwe; o ile tlase go theoga mokgotha, ka moyo wa gagwe wo mogolo wa go nyatša ka go yena, gore o tsebile kudu go feta e ka ba ofe wa bona. O be a tlide ka tlase ga Gamaliele, yo mongwe wa barutiši ba bakaonekaone ba bilego ka nageng. Go diregile eng mo tseleng ya gagwe go ya Damaseko, go swara sehlopha sa batho ba ba dumelago Lentšu la Modimo? Mo tseleng ya gagwe tlase fale, o rathetšwe fase, gomme o kwele Molaetša. Gomme O mo fetoletše go tloga go moleloko wa kereke le moyakerekeng; go ya go mopropfeta wa Modimo, yo a ngwadilego Lentšu la Modimo, ka go Testamente ye Mpsha. Go tloga go moleloko wa kereke go ya go mokgethwa!

²⁶² Oo, dinaledi tša go tsekella, a re emišeng. Morwa wa go tsekella, Peu ya go tsekella yeo e yago go tloga lefelong go ya lefelong, ka go kgolofalo ye; retologa, mosong wo, bana. Hle nkewng bjalo ka—bjalo ka motho yoo a lekago go ema magareng ga ba phelago le ba hwilego.

²⁶³ Ntle godimo ga naga moo kgašo e tlago ge e ba le sa kgokagane, lena ba ba le tsekellesegó ka go lefelo, hle dulang feela motsotsotso botelele. Ke a tseba go thari fa ka Tucson goba, ke a kgopela le ntshwarele, Phoenix, ke metsotsotso ye masomepedi go ya go lesomepedi. Gomme ke bile le batho ba fa mosong wohle. Ke bile le lena kgole go tloga go móšomo le dilo. Eupsá lebelelang, morategi mogwera, o ka no ba kgole go tloga go Modimo go ya go ile. Hle bowa morago mosong wo. A o ka se? Go na le sekgora mo Mothopong.

Ka legopong kgalekgale, ke a tseba ka kgonthe
go bjalo,

Lesea le belegwe go phološa batho go tloga
sebeng sa bona.

Johane O mmone mo lešing, Kwana go ya go ile,
Oo, Kriste, Mmapolwa wa Khalibari.

Oo, ke rata Monna yola wa go tšwa Galelia, wa
go tšwa Galelia,

Ka gore O ntiretše tše dintši kudukudu.

O lebaletše dibe tša ka tšohle, a bea Moya wo
Mokgethwa ka gare;

Oo, ke a rata, ke rata Monna wa go tšwa
Galelia.

Molekgetho o ile go rapela ka tempeleng fale
letšatši le lengwe,
O goeleditše, “O Morena, e ba kgaogelo go
nna!”
O ile a lebalelwa sebe sengwe le sengwe,
gomme khutšo ya go teba e beilwe ka gare;
O rile, “Tlang le bone Monna yola go tšwa
Galelia.” Nnete

Segole se dirilwe go sepela, semumu se dirilwe
go bolela,
Maatla ale a boletšwe ka lerato godimo ga
lewatle;
Sefofu se dirilwe go bona, ke a tseba go ka ba
feela
Kgaogelo ya Monna yola wa go tšwa Galelia.

²⁶⁴ Kaya seo le bodiredi lehono.

Mosadi mo sedibeng, Yena dibe tša gagwe
tšohle o di boletše,
Ka fao a bilego le banna ba bahlano ka nako
yeo.
O ile a lebalelwa sebe sengwe le sengwe,
gomme khutšo ya go teba e beilwe ka gare;
O goeleditše, “Tlang le bone Monna yo wa go
tšwa Galelia!”

²⁶⁵ Mosadi, A ka dira sa go swana. O badile pelo ya gago mosong
wo. Monna, O badile pelo ya gago. Oo, molekgetho, a re rapele!

Oo, ke rata Monna yola wa go tšwa Galelia, wa
go tšwa Galelia,
Ka gore O ntiretsé tše dintši kudukudu.
O lebaletše dibe tša ka tšohle, a bea Moya wo
Mokgethwa ka gare;
Oo, ke a rata, ke rata Monna wa go tšwa
Galelia.

²⁶⁶ A o ka se Mo rate, le nna, mosong wo? Oo, mohlahlathi,
modiradibe wa go tsekella, fa goba ntle moo o ka bago, a o tla
amogela Morena wa ka mosong wo? Yena ke Lentšu, gomme
Lentšu le tlišitšwe go wena. A o ka se Mo amogele mosong wo?
A o tla no phagamiša diatla tša gago goba wa ema ka maoto a
gago, goba se sengwe, gomme wa rapela, wa re, “Ke nyaka go
Mo amogela bjale. Ngwanešu, ke a rata. Ke nyaka gonabjale go
Mo amogela.” A o ka ema ka maoto a gago, mang kapa mang yo a
nyakilego go rapelelwa, gomme wa re, “Ke nna . . .” rapeletswe, a
ke re, “ke nna modiradibe. Ke nyaka . . .” Modimo a go šegofatše,
mohlomphegi. Yo mongwe gape? Yo mongwe le yo mongwe rapela
bjale, feela motsotsso.

Oo, ka legopong lela kgalekgale, (e be e le tlhakatlhakano, le a tseba, lefase le bile), gomme ke a tseba ka kgonthe go bjalo, Lesea le lennyane le belegwe go phološa batho go tloga sebeng sa bona.
 Ge Johane a Mmone mo lešing, O be a le Kwana yela go ya go ile, (Yena wa go swana lehono)
 Oo, Ke Kriste, Mmapolwa wa Khalibari.

²⁶⁷ A o ka se Mo rate lehono ka pelo ya gago yohle, gore o kgone go sepelela ntle ga seemo se sa lefase seo o dutšego ka go sona? Lena basadi, lena banna, oo, le duletše eng fa nako ye yohle? Go ya go bontšha go na le se sengwe tlase ka go wena, go na le se sengwe fale se swerwe ke tlala le go nyorwa. Le be le ka se dule fa diiri tše tše pedi goba tše tharo, le dutše ka moagong ka tsela ye; go na le se sengwe. A le ka no se e ele šedi lehono? A nke difašene le saense, le dilo tšohle tša lefase, di fete go tloga monaganong wa gago gonabjale, ngwanešu morategi goba kgaetšedi morategi.

Dikereke di a kopana, ditšhaba tše dikgolo di a thubega, Israele e a tsoga,
 Maswao ao baprofeta ba a boleletšegopele;
 Matšatši a Bantle a badilwe, ka tšitišo ya letšhogo;
 “Boang, O bašwalalanywa, ga bo lena beng.”

Letšatši la topollo le kgauswi,
 Dipelo tša batho di palelwa ka letšhogo;
 Tlatšwang ka Moya, mabone a lena a šišintšwe le go bonala,
 Lebelelang godimo, topollo ya lena e kgauswi!
 Baprofeta ba maaka ba aketša, ba gana Therešo ya Modimo,
 Gore Jesu Kriste ke Modimo wa rena.

²⁶⁸ Bjale, yeo ke therešo. Le tseba seo, bohole ba rena, letšatši leo re phelago.

Eupša O rile go tla ba Seetša e ka ba ka nako ya mantšiboa,
 Tsela go ya Letagong ka kgonthe le tla e hwetša.

²⁶⁹ Leo ke letšatši re phelago ka go lona gonabjale. Seetša se tla phadima feela mo mantšiboeng ge leswiswi le thea, nako ya thapama, naledi ya mantšiboa.

Thapama le naledi ya mantšiboa,
 Gomme morago ga fao leswiswi!
 A nke go se be manyami a taelano,
 Ge la mafelelo ke theošetšwa;

Ka gore tšohle di laolwa ke nako le sekgoba,
 Gomme mafula a ka nthwalela kgole,
 Eupša ke nyaka go bona Mofofiši wa ka
 sefahlego ka sefahlego
 Ge ke tshetše lepheko.

Se mpotše, ka dinomoro tša go nyama,
 Gore bophelo e no ba toro ya lefeela!
 Gomme soulo e hwile yeo e potumago,
 Gomme dilo ga di ka moo di bonalago.

Ya, bophelo ke kgonthé! Gomme bophelo ke
 tiišetšo!

Gomme lebitla ga se nepo ya bjona;
 Ka gore o lerole, leroleng o tla boela,
 Ga se go bolelwe go soulo.

Maphelo a banna ba bagolo bohole a re gopotša,
 Gomme re ka dira maphelo a rena go phagama,
 Gomme, go arogana, go re šiela morago,
 Dikgato mo lešabašabeng la nako;

Dikgato, tšeо mohlomongwe yo mongwe,
 Ge a sesa godimo ga kgwekgwe ya bophelo ya
 go hlomphega,

Ngwanešu wa go hlomolapelo le go
 hlekgemana ga sekepe,

Ka go boneng, o tla tšeа pelo gape.

A nke re be godimo, gona, le go direng,

Ka pelo go phapano e ka ba efe;

Le se be bjalo ka tša semuma, dikgomo tša go
 otlelwa!

Eba mogale ka go phapano!

²⁷⁰ Morategi Modimo, ke ba Gago. Ke bone banna ba babedi ba
 eme ka maoto a bona, Tate. Ke a rapela, Modimo, gore O tla ba
 tšeа bjale. Ba nyaka go ba barwa ba Gago. Ba phafogile go tšwa
 go go se tsebe ga bophelo bjoo ba bo phetšego, gomme bjale ba
 nyaka go ba ba baswa, go mpshafatšwa, ka kolobetšo ya Moya
 wo Mokgethwa godimo ga Peu yela yeo e bjetšwego ka go dipelo
 tša bona letšatšing le. Modimo wa Gosafelego, Mohlodi wa dilo
 tšohle, Yo a dirilego Lentšu la Gago, gomme ke a dumela gore O
 tsebile banna ba ba tla dira se mosong wo. Ke a rapela, Morena,
 gore O tla nošetša Lentšu lela, mosegare le bošego, gomme wa
 se tsoge o dumelatše Sathane go le ubula go tšwa diatleng tša
 Gago. A nke e be mohlare woo nako tše dingwe, ka go Paradeisi
 ya Modimo, ge yohle e tlišišwe morago gape, ka gore Lentšu la
 Gago le ka se palelwe, go tla ba gape. Ka gore lefase le . . .

²⁷¹ Gomme go ka se be le mohuta wo wa tlhabologo ka go lefase
 le le tlago. Go ka se be le difatanaga goba selo seo saense e kilego
 ya se dira. Go ka se be le dilo tše di bjalo ka go lefase leo le tlago.
 Eupša go tla ba mohuta wa tlhabologo wa Modimo Mong woo A

tla go o hloma ka go pušo ya letago. Ka gore, ka go tlhabologo ye go na le bolwetši, lehu, manyami, mabitla, le tlhoko. Eupša ka go Mmušo wola woo o tlogo, ga go na lehu, ga go na manyami, ga go na bolwetši, ga go na go tšofala. O Modimo, go tla ba go go swa fale, ka go tlhabologo ya Gago.

²⁷² Modimo, re fetolele lehono, ka maatla a Gago, ka go mpshafatšwa ga megopolu ya rena, go retologa go tloga go dielemente di se nene tša lefase le bjale, go ya ka go Lentšu la Modimo. Gomme a nke re mpshafatšwe ke maatla a go fetolela a Modimo godimo ga Peu yeo e lego ka pelong ya rena, gore re a dumela, ka go dibopiwa di bitšwago barwa le barwedi ba Modimo. Ye ke thapelo ya ka go Wena, Tate, bakeng sa batho, ka Leina la Jesu. Amene.

²⁷³ Bjale go lena bao le lego ntle ka go kgašo, e ka ba kae o lego, ke nyaka o amogele Kriste ntle fale, bjalo ka Mophološi wa gago wa sebele, gomme o tlatšwe ka Moya wa Gagwe. Mantšu ao a boletšwego mosong wo, a nke a rothele ka go pelo ya gago. Gomme a nke fao o amogele Jesu. Gomme o šetše bophelo bja gago, gomme o bona se o se phelago ka morago. Gomme tšea Mohlotlo wa monna wa go nagana fa. O ipona wenamong o dira se sengwe seo se lego kgahlanong le Lentšu le, tloga go sona, thwi ka pela. Le a bona? Ka gobane, go na le Mohlotlo woo o beago lehu kgole go tloga go wena, woo ke Lentšu la Modimo. Mantšu a Gagwe ke Bophelo, gomme a tla go boloka go tloga go lehu.

²⁷⁴ Lena batho fa bjale bao le lego ka go otitoriamo, ke bile le lena fa nako ye telele. Ke a le leboga bakeng sa go beng gona. Ke rapela gore Modimo a se tsoge a lesitše Peu ye e ehwa. Ke a holofela ga le nagane ke ema fa feela go bolela dilo tše go fapano. Ke e bolela ka lebaka la lerato; le go tsebeng gore ke ge ke sa le wa go hwa, bjalo ka ge ke le bjale, ke nako e nnoši nka tsogego ka kgona go rerela batho. Gomme ke rata Jesu Kriste. Yena ke Mophološi wa ka. Gomme elelwang, nkabe ke le ntle fale mo mokgotheng ge nka be e se be ka Yena. Nka be ke le ntle fale; batswadi ba ka bohole, batho ba gešo bohole, ba be ba le badiradibe. Eupša Modimo, ka maatla a Gagwe a go fetolela, ke a tseba a dirile sebopiwa sa go fapano go tšwa go nna. Gomme nka—nka go bapaletša yona, go ba gabotse. Gomme e tla go boloka mo diiring tša bothata. Ebile le lehung, mo lemating, ga o na poifo. “Ga se gona se ka re aragonšhago go tloga go lerato la Modimo, leo le lego ka go Kriste.” A nke Modimo a šegofatše yo mongwe le yo mongwe wa lena, gomme a le fe Bophelo bjo Bosafelego.

²⁷⁵ Ke ba bakae ka fa bao ba se nago Peu ya Modimo, kolobetšo ya Moya wo Mokgethwa? A le ka no phagamiša seatla sa gago, wa re, “Nkgopole, Ngwanešu Branham, gore ke tle ke amogele Moya woo wo Mokgethwa.” Bjale tšea Lentšu ka pelong ya gago—ya gago, gomme o Le dumele. Bjale ge o... O ka lebelela go wena.

Eya godimo gomme o lebelele go seipone, gomme o ka bona moo o lego. Le a bona, o ka tseba.

²⁷⁶ O re, "Gabotse, ga se ke phagamiše seatla sa ka, ka gobane ke a dumela ke swanetše."

²⁷⁷ Itebelele wenamong mo seiponeng, gona o bona ke mohuta ofe wa moyo o go forago, le a bona. Go nagana mo go forilwego! "Go na le tsela ye e bonalago eke e lokile go motho, eupša bofelo bja yona ke tsela ya lehu." A seo ke therešo?

Tlase mo sefapanong moo Mophološi wa ka a hwilego,

Tlase fale bakeng sa go hlatswa go tšwa sebeng ke goeeditšego;

Oo, fale Madi a tloditšwe pelong ya ka;

Letago . . .

²⁷⁸ Nno tswalela mahlo a gago, motsotsotso bjale, gomme nno opela yela go Yena. A re phagamišeng diatla tša rena godimo.

Letago go Leina la Gagwe, Leina la Gagwe le bohlokwa!

Letago go Leina la Gagwe!

Fale Madi a tloditšwe pelong ya ka;

Letago go la Gagwe . . .

²⁷⁹ Ke nyaka lena Bakriste go šišinyana seatla lena seng, yo a phološitšwego.

Ke phološitšwe go sebe go go makatšago kudu,

Jesu o dula ka gare gabose kudu,

Fale mo sefapanong moo A ntšeetšego ka gare;

Letago go Leina la Gagwe!

Letago go Leina la Gagwe, Leina le bohlokwa!

Letago go Leina la Gagwe!

Oo, fale Madi a tloditšwe pelong ya ka;

Letago go Leina la Gagwe!

²⁸⁰ Madi a na le tlhako ya Bophelo ka go Ona, le a tseba. Ye ke go bona ba ba sa Mo tsebego.

Oo, tlang go Mothopo wo wo o humilego le bose kudu;

Lahlela soulo ya gago ya go šokiša maotong a Mophološi;

Oo, phonkgela lehono, gomme o thakgafatšwe;

Letago go Leina la Gagwe!

Oo, letago go . . .

A re obamišeng dihlogo tša rena ge re e opela.

Letago go Leina la Gagwe!

Fale Madi a tloditšwe pelong ya ka;

Letago go Leina la Gagwe!

²⁸¹ Le a Mo rata? [Phuthego e re, "Amene."—Mor.] Paulo o rile, "Ke tla opela ka Moya. Ke tla rapela ka Moya." A re e opeleleng kgontha ka boleta gape, le diatla tša rena godimo.

²⁸² Le a tseba, bothata bja yona, rena batho ba Pentecostal, re lahlegetšwe ke thabo ya rena, re lahlegetšwe ke maikutlo a rena. Bjalo ka ge Billy Graham a boletše bošego bjo bongwe, "Bona bareri, dikholoro di retolosítšwe, ba eya tlase Borwa, ba phaphatha diatla tša bona, gomme ba bethiša maoto a bona godimo le fase mo mobung, gomme ba šittlela, ba bile le se sengwe ba bego ba se thabela." Gabotse, ya, ke ne Sengwe ke thabago ka sona. Le a bona? Le a bona? Ya. Ya, re lahlegetšwe ke maikutlo a rena.

²⁸³ Bjale a re no phagamišang diatla tša rena. Se tshwenyege ka meokgo, e ka se gobatše selo, le a bona. Seo ga se gobatše. "Yena yoo a yago pele a bjala, ka meokgo, ntle le pelaelo o tla bowa gape, a tliša dišerefe tše bohlokwa." Go lokile.

Letago go Leina la Gagwe, Leina le bohlokwa!

Letago go Leina la Gagwe!

Fale Madi a tloditšwe pelong ya ka;

Letago go Leina la Gagwe!

Letago go la Gagwe... (O Modimo! Tumišang
Modimo!)

Letago go Leina la Gagwe!

Nweletša Peu, Morena, ka pelong!

Madi a tloditšwe pelong ya ka;

Letago go Leina la Gagwe!



MAATLA A MODIMO A GO FETOLELA NST65-0911
(God's Power To Transform)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mosong, Setemere 11, 1965, go difihlolo tša Kopanelo ya Boditšhabatšhaba ya Banna ba Kgwebo ba Full Gospel ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2019 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org